

240-43

卷  
二万の十之の十二

千五十一之五



續文獻通考卷之二百四十

皇明進士雲間王圻纂輯

仙釋考 歷代道家總紀下

宋

太祖開寶六年始禁道士不得畜妻孥

太宗太平興國六年薛居正因服丹砂遇毒方奏事疾作掖歸中書已不能言但指廡間儲水器而已左右取水至不能飲偃閣中吐氣如煙焰輿歸遂卒 九年華山隱士陳搏入朝帝謂宰臣曰搏獨善其身不干勢利方

外之士也遣中使送至中書宋琪等從容問曰先生得  
玄默修養之道可以教人乎搏曰搏山野之人于時無  
用亦不知神仙黃白之事吐納養生之理非有方術可  
傳假令白日上昇亦何益于世今聖上龍顏秀異有天  
日之表博達古今深沉治亂真有道仁聖之主也正君  
臣協心同德興化致治之秋勤行修煉無出于此琪等  
以聞帝益重之賜號希夷先生放還華山

博毫州真源人嘗舉唐長

興中進士不第遂不復干祿以山水為樂因服氣辟穀  
日飲水數盃而已歷二十餘年乃隱華山雲臺觀每寢  
處多百餘日不起

真宗景德四年汀州黥卒王捷自言于南康遇道人姓趙  
氏授以小環神劍蓋司命真君也官者劉承珪以其事  
聞賜捷名中正是年五月十三日言真君降于其家之  
新堂是為聖祖而祥瑞之事起矣 大中祥符元年正  
月乙丑有黃帛曳左承天門南鷓尾上守門卒涂榮以  
聞帝因謂群臣曰朕去年十一月二十七日夜將半方  
就寢忽室中光曜見神人星冠絳衣告曰來月三日宜  
于正殿建黃籙道場一月當降天書大中祥符三篇朕  
竦然起對已復無見命筆識之自十二月朔即齋戒于

朝元殿建道場以竚神貺適覩皇城奏有黃帛曳左丞  
天門南鷓尾上帛長二丈許緘物如書卷纏以青縷三  
道封處有字隱隱蓋神人所謂天書也王旦等皆再拜  
稱賀帝即步至承天門瞻望再拜遣一內侍升屋奉之  
下旦跪進帝再拜受之親置輿中導至道場授陳克叟  
啟封帛上有文曰趙受命興于宋付于睿居其器守于  
正世七百九九定緘書甚密抉以利刀方啟帝跪受復  
命克叟讀之其書黃字三幅詞類洪範道德經始言帝  
能以至孝至道紹世次諭以清靜簡儉終述世祚延永

之意讀訖帝復跪奉韞以所緘帛盛以金匱改左承天  
門為承天祥符門置天書儀衛扶持使 初帝自聞欽  
若城下之言深以澶淵之盟為辱欽若因曰惟有封禪  
泰山可以鎮服四海誇示外國然自古封禪當得天瑞  
希世絕倫之事乃可耳既而又曰天瑞安可必得前代  
蓋有以人力得之者惟人主崇奉而深信之以明示天  
下則與天瑞無異也陛下謂河圖洛書果有耶聖人以  
神道設教耳帝沉思久之曰王旦得無不可乎欽若曰  
臣諭以聖意官無不可欽若乃乘間為旦言旦勉從

之帝尚猶豫會幸秘閣驟問直學士杜鎬曰古所謂河  
出圖洛出書果何事耶鎬老儒不測上旨漫應之曰此  
聖人以神道設教耳帝意遂決即召旦飲懽甚賜以尊  
酒曰此酒極佳歸與妻孥共飲之既歸發封則皆美珠  
也旦悟自是不敢復有異議而封禪之事成矣及得天  
書群臣入賀于崇政殿賜宴帝與輔臣皆蔬食遣官告  
宗廟天地社稷大赦改元群臣加恩賜京師酺五日欽  
若之計既行陳克叟陳彭年丁謂杜鎬益以經義附和  
而天下爭言祥瑞矣獨孫奭言于帝曰以臣所聞天何

言哉豈有書也帝默然 三月天書復見于功臣閣  
六月欽若言乙未泰山西南垂刁山上有紅紫雲氣漸  
成華蓋至地而散其日木工董祚于醴泉亭北見黃素  
帛曳林木上有字不能識言于皇城使工居正見其上  
有御名以告欽若欽若具儀衛奉導至社首跪授中使  
馳奉詣闕帝御崇政殿趣召群臣曰朕五月內丙子夜  
復夢向者神人言來月上旬當賜天書于泰山宜齋戒  
祇受朕未敢宣露惟密諭王欽若等凡有祥異即上聞  
今得其奏果與夢協上天眷祐惟懼不稱王旦等再拜

稱賀乃迎奉安于含芳園之正殿帝齋戒備法服詣殿  
拜受之授陳堯叟啟封其文曰汝崇孝奉吾育嗣廣福  
錫爾嘉瑞黎庶咸知秘守斯言善解吾意國祚延永壽  
歷遐歲讀訖復奉以升殿于是群臣表上尊號曰崇文  
廣武儀天尊道寶應章感聖明仁孝皇帝

作昭  
應宮貯天

書初帝議即宮城乾地營昭應宮以奉天書召丁謂問  
之對曰陛下富有天下建一宮以奉上帝且所以祈皇  
嗣也群臣有阻陛下者願以此諭之已而王旦密疏諫  
帝果如謂所對答之旦不敢復言 九月以天書告于

太廟已乃以天書置于朝元殿建道場且置行殿供物  
定儀仗凡千六百人 十月帝封泰山辛卯車駕發京

師以玉輅載天書先道 二年加號聖祖為司命天尊  
以方士王中正為左武衛將軍 十月詔以正月三日  
為天慶節命天下立天慶觀以答神貺 五年作五嶽  
觀以奉五嶽復改曰會靈 時天下又安王欽若自以  
深達道教多所建明而丁謂附和之與陳彭年劉承珪  
等蒐講墜典大修宮觀以林特有心計使為三司使以  
幹財利時人目為五鬼 右諫議大夫謝泌好方外之

學疾革服道士服端坐而死 十月帝語輔臣曰朕夢  
神人傳玉皇之命云先令汝祖趙玄朗授汝天書今令  
再見汝翌日復夢神人傳聖祖言於吾座斜設六位以  
候是日即於延恩殿設道場五鼓一籌先聞異香頃之  
黃花滿殿聖祖至朕再拜俄有六人至揖聖祖皆就座  
聖祖命朕前曰吾人皇九人中一人也是趙之始祖再  
降乃軒轅皇帝後唐時復降王趙氏之族今已百年皇  
帝善為撫育蒼生無怠前志即離座乘雲而去王旦等  
皆再拜稱賀詔告天下肆赦加恩命丁謂李宗諤陳彭

年率禮官等修崇奉儀注閏月上聖祖尊號曰聖祖上  
靈高道九天司命保生天尊大帝聖母懿號曰玄天大  
聖后遂加太廟六室尊號立先天降聖節遣宮就南郊  
及設昊天四位告之群臣上帝尊號曰崇文廣武感天  
尊道應真祐德上聖欽明仁孝皇帝 十一月詔建康  
軍鑄玉皇聖祖太祖太宗神像以丁謂為奉迎使奉安  
於玉清昭應宮帝率百官郊謁又詔刻天書于宮以王  
旦為刻玉使作景靈宮太極觀于壽丘以奉聖祖聖母  
且詔天下天慶觀並增建聖祖殿而置二舞文曰發祥

流慶武曰降直觀德云 六年奉安聖像于玉清昭應宮 八月詔明年有事于太清宮亳州官吏父老三干三百人詣闕請謁太清宮帝許之詔以來春親謁孫奭上言陛下事事效慕唐明皇豈以明皇為令德之主耶帝曰東封祀汾陰謁陵寢享老子非始于明皇且開元禮今世所循用不可以天寶之亂而非其禮作解疑論以示群臣 十二月帝享玉皇于朝元殿判亳州丁謂獻芝草三萬七千本遂詔扶持使趙安仁等上奉天書車輅鼓吹儀獻天書于朝元殿遂告玉清昭應宮 七

年車駕奉天書發京師至亳州丁謂獻白鹿一芝九萬五千本加號老子太上老君混元上德皇帝帝朝謁太清宮遂詣亳城西朝拜聖祖新殿 十一月玉清昭應宮成初議營工料功須十五年修宮使丁謂令以夜繼晝每繪一壁給二燭故七年而成凡二千六百一十楹制度宏麗屋宇少不中程式雖金碧已具劉承珪必令毀而更造有司莫敢較其費未幾帝親謁宮奉刻玉天書安于寶符閣 八年正月壬午朔謁玉清昭應宮奉表上玉皇聖號曰太上開天執符御曆含真體道玉皇

大天帝製誓文刻石置于寶符閣下又製欽承寶訓述以示中外 賜信州道士張正隨號真靜先生初漢張魯子自漢中徙居信州龍虎山世以鬼道惑衆正隨其後也至是召赴闕賜號王欽若為奏立授錄院及上清觀蠲其田租自是凡嗣世者皆賜號

丘氏曰漢張道陵之後前此未有賜以號也賜以號始于是自後凡嗣世者皆賜以先生號然無階品至胡元乃封為真人給以銀印秩三品始有階品矣

天禧元年帝詣玉清昭應宮上玉皇及聖祖寶冊宰相讀天書于天安殿 三年巡檢未能挾內侍都知周懷政詐為天書置于乾祐山時寇準判永興軍以聞詔迎入禁中中外皆識其詐帝獨信之 八月大會道釋于天安殿以天書再見會道釋凡萬三千八十六人 乾興元年葬真宗于永定陵以天書殉

初女道士劉德妙嘗以巫師出入丁謂家謂敗遠繫德妙內侍鞠之德妙具言謂嘗教之曰汝所為不過巫事不若託老君言禍福足以動人于是即謂家設神像夜醮于園中雷允恭數至請禱及真宗崩引入禁中又因

穿地得龜蛇令德妙持入內紿言出其家山洞中仍教  
云上即問若謂事何知為老君第云相公非凡人當知  
之謂又作頌題曰混元皇帝賜德妙語涉妖誕貶謂為  
崖州司戶居崖州專事浮屠因果之說

仁宗天聖八年王清昭應宮災太后泣對大臣曰先帝遵  
天奉道故竭力成此宮一夕延燎幾盡惟長生崇寧二  
小殿存耳何以稱遺旨哉范雍抗言曰不若悉燔之也  
先朝以此竭天下之力遽為灰燼非出人意如因其所  
存又將葺之則民不堪命矣非所以祇天戒也中丞王

曙亦言王清昭應宮之建非應經義願除其地罷諸禱  
祀以應天變乃下詔不復繕修以二殿為萬壽觀罷諸  
宮觀使 明道二年真宗女衛國大長公主初入道號  
清虛靈照大師 八年賜信州大士張乾曜號澄素先  
生

時孔道輔為寧州推官有蛇出真武像中一郡以為神  
州將率官屬往拜欲上其事道輔以笏擊蛇碎其首觀  
者初大驚後皆嘆服

神宗時尚書左丞蒲宗孟好崇道術遺書蘇軾謂得其精

要軾荅曰道家之法慈儉為本恐公未能也宗孟侍婢  
千餘日殺猪十羊十夜燒燭三百枝故軾以此戒之

徽宗崇寧二年賜信州龍虎山道士張繼元號虛靖先生  
方士魏漢津年九十死于京師賜號嘉成侯 政和三  
年作玉清和陽宮奉安道像 九月賜方士王老志號  
洞微先生王仔首號通妙先生老志濮州人初為小吏  
遇異人授以丹遂棄妻子結草廬田間為人言休咎多  
驗太僕卿王亶以名聞時帝方向道術乃召至京師館  
于蔡京第緘書一封至帝所啟視乃昔歲秋中與喬劉

二妃燕好語也由是益信之號為洞微先生朝士多從  
求書初若不可解者卒應者十八九仔首洪州人初隱  
於嵩山自言遇許遜得石洞隱書豁落七元之法能道  
人未來事蔡京薦之帝召見賜號冲隱處士篆符有驗  
進封通妙先生又徐知常賜號冲虛先生徐守信賜虛  
靜先生劉昆康賜葆真觀冲和先生後並贈大中大夫  
由是道家之事日興矣 十一月帝南郊以道士百人  
執威儀導前玉輅出南薰門帝忽曰玉津園東若有樓  
臺重復是何處也蔡攸即奏見雲間樓殿臺閣隱隱數

重既而審視皆去地數十丈頃之帝又曰見人物否攸  
即奏有道流童子持幡幢節蓋相繼而出雲間眉目歷  
歷可識遂以天神降詔告在位即其地建道宮名曰迎  
真作天真降臨示現記由是益信神仙之事 十二月  
詔求道經仙經于天下 四年正月置道階時王老志  
王仔昔徐知常等得幸遂置道階先生處士等名秩比  
中大夫至將仕郎凡二十六級後又置道官二十六等  
有諸殿侍宸校籍校經以擬待制修撰直閣之名焉  
六年正月賜方士林靈素號通真達靈先生

靈素温州人少從浮屠苦其師笞罵去為道士善妖幻  
往來淮泗間丐食僧寺僧苦之及王老志死王仔昔  
寵衰帝訪方士于左階道錄徐知常知常以靈素對即  
召見靈素大言曰天有九霄而神霄為最高其治曰府  
神霄玉清主者上帝之長子主南方號稱長生大帝陛  
下是也既下降于世其弟號清華帝君者主東方攝領  
之又有仙官八百餘名今蔡京即左元仙伯王黼即文  
華吏盛章王草即園苑寶華吏鄭居中童貫等皆有名  
而已即仙鄉褚慧下降佐帝君之治時劉貴妃方有寵

靈素以為九華玉真安妃帝心獨喜其事甚加寵信改  
温州為應道軍靈素本無所能惟稍習五雷法召呼風  
霆間禱雨有小驗而已 閏正月立道士學從林靈素  
之言也尋詔辟雍各置內經道德經莊列博士二員又  
用蔡京言集古今道教事為紀志賜名道史 作上清  
寶錄宮成初帝以未得嗣子為念道士劉混康以法錄  
符水出入禁中建言京城西北隅地協堪輿儻形勢加  
少高當有多男之應始命為數仞岡阜已而後宮生子  
漸多帝甚喜始信道教于是蔡攸倡為異聞謂有珠星

壁月跨鳳乘龍天書雲篆之符以逢迎之遂竭國家之  
力以經營土木之工及間林靈素之言復于景龍門對  
晨暉門作上清寶錄宮密連禁署宮中山包平地環以  
佳木清流列諸館舍臺閣多以美材為楹棟不施五彩  
有自然之勝上下立亭宇不可勝計帝時登皇城下視  
之由是開景龍門城上作複道通寶錄宮以便齋醮之  
事 九月帝奉玉冊玉寶如玉清和陽宮上玉帝尊號  
曰太上開天執符御曆含真體道昊天玉皇上帝詔天  
下洞天福地修建宮觀塑造聖像又上地祇徽號曰承

天效法厚德廣大后土皇地祇上寶冊儀禮一如上帝  
尋改玉清神霄宮又置神霄九鼎安置于上清寶籙宮  
之神霄殿 七年二月詔改天下大寺為神霄玉清萬  
壽宮院為觀設長生青華帝君像置道學科始給道士  
俸每一觀給田不下數百千頃凡設大齋輒費緡錢數  
萬貧下之人多買青布幅巾以赴日得一飫餐而襯施  
錢三百謂之千道會且令士庶入聽講經帝為設幄其  
側靈素據高座使人于下再拜請問然所言無殊絕者  
時時雜以滑稽嫖語上下為大閔笑莫有君臣之禮復

令吏民詣宮授神霄秘籙朝士嗜進者亦靡然趨之  
四月帝諷道籙院曰朕乃上帝元子為太霄帝君憫中  
華被金狄之教遂懇上帝願為人主令天下歸于正道  
卿等可上表章勅朕為教主道君皇帝于是道籙院上  
表冊之然止于道教章疏內用  
劉定之曰佛本夷狄之人而其徒謂佛之身體面貌皆  
若金色徽宗所謂中華被金狄之教者指佛教而言也  
然其言可謂妖矣未幾女真起自夷狄建號大金覆蕩  
中華斯言若為先兆也

十二月帝言天神降于坤寧殿詔示百官帝惑于靈素之言建宮觀徧天下又造清華帝君正書臨壇及火龍神劔夜降內宮之事托天神降臨造帝誥天書雲篆務必託為帝誥則莫不如志尋加靈素號通真達靈元妙先生張虛白通元冲妙先生視中大夫出入呵引至與諸王爭道都人稱曰道家兩府其徒美衣玉食者幾萬人時方士王仔昔倨傲而顛帝待以客禮故遇宦侍若童奴又欲群道士皆宗已靈素忌之乃與宦者者馮誥

誣以怨望下獄死 八年九月帝用方士言鑄神霄九鼎成鼎名曰太極飛雲洞劫之鼎蒼壺祀天貯醇酒之鼎山嶽五神之鼎精明洞淵之鼎天地陰陽之鼎混沌之鼎靈光晃耀煉神之鼎浮光洞天之鼎蒼龜火蛇蟲魚金輪之鼎奉安于上清寶籙宮之神霄殿 宣和元年正月詔更寺院為宮觀林靈素欲盡廢釋氏以逞前憾請于帝改佛號大覺金仙餘為仙人女士僧為德士易服飾稱姓氏寺為宮院為觀改女冠為女道尼為女德尋詔德士並許入道學依道士之法 二年二月罷

道士學 林靈素有罪放歸田里靈素初與道士王允誠共為神怪之事後忌其相軋毒殺允誠遂專用事及都城水帝遣靈素厭勝方步虛城上役夫爭舉挺擊之走而免帝始厭之然橫恣愈不悛遇皇太子弗歛避太子入訴于帝帝怒以靈素為太虛大夫斥還故里命江端本通判温州察之端本廉得其居處過制罪詔徙之楚州命下而靈素已死遺奏至猶以待從禮葬焉 六年都城中酒保朱氏女忽生鬚長六七寸疏秀甚美宛然一男子詔度為道士 時清虛冲妙先生張虛白卒

命宣撫使童貫祭葬建祠于終南

高宗時召孫寂然赴闕以符水稱旨勅度道士十人

趙道一真仙體道通鑑序曰白海瓊先生曰晉抱朴子作神仙傳所紀十有餘人劉綱法師復綴一千六百為續仙傳宋朝王太初集仙者九百人為集仙傳宣和間考古校今述所得仙者五萬人謂之仙史盛矣哉太上無為之教也每觀超俗至士潔已高人或孝子忠臣或烈婦貞女傲節于清虛之地游心于玄妙之鄉欲隱晦以韜光慕超凡而躋聖故乃嚼渾沌握洪濛餌日月之

精參天地之化澡心而浴性養素以存直探虛無以為  
立鼎之根基究妙有以為煉丹之藥物鉛升汞降賴水  
火以烹煎虎躍龍騰仗陰陽而制伏故有金翁姹女之  
號黃婆丁老之名是皆修煉之祕事昇玄之密旨也太  
上垂教字曰金丹得人則傳誓盟授受其始也煉精為  
氣煉氣成神煉神合道以至群陰剝盡體變純陽身外  
有身胎仙變化方曰丹圓九轉法契大成以積陰功而  
至三千修德行而逮八百大一符召移居蓬島之間上  
帝詔徵飛步大羅之境其次功行則四種尸解百變神

遊更且師資有殊修習不一或念經持呪飲水吞符或  
存思運用嚙津服氣或餌草木之藥或烹金石之丹萬  
法千門總歸一道所謂處處垂揚堪繫馬家家有路到  
長安然惟內煉金丹該括萬化如遵正路如水朝宗故  
凡尸解飛昇莫不由此超度方其修煉之時也忘世榮  
華甘心寂澹灰頭垢面破被弊衣或露宿而雨眠或松  
餐而澗飲或和光而混俗或厭世而避塵散處山林徧  
遊湖海宴息洞府涉覽世途其庸輩凡流輕耳賤目者  
以告稚甲以諭乙此貧道人也此丐子流也近之者轉

身覩之者回盼其有能尊而事之者幾希有如貴官者  
恃圭爵以為高富豪者懷金貨以為重其笑而耻為之  
似者紛紛皆是矣及其潜功外修精心內煉乘雲馭氣  
策空駕浮名紀上清身栖碧落則旒冕屈尊而下拜金  
紫仰慕而驚心吁吾于道又何損益哉惟我元始天尊  
在昔大浮黎土寶珠說經都竟天人廓散十方當此之  
時道泮群黎恩霑萬有茂開劫運啟迪真風逮至無上  
道君太上老君繼演斯玄迭振其化暨我昊天上帝符  
曆開極真道凝虛梯級群仙陶冶萬類白日飛昇之士

尸解神變之人自古迄今益盛而益隆也愚者一介渺  
微苦耽玄學欲希度世頗厭俗紛常觀儒家有資治通  
鑑釋門有釋氏通鑑惟吾道教斯文獨闕曰海瓊先生  
之所謂傳所謂史皆不見行于世間因錄集古今得道  
仙真事跡究其踐履觀其是非論之以大道而開化後  
人進之以忠言而皈依太上務遵至理不詫虛文但真  
仙玩世顯少隱多其所留名百不逮一且傳記行藏每  
有間見之先後蹤跡變化難以次叙而鋪舒是故不可  
例世間作史編年紀事論也如得一名真仙證道須是

詳審校定嚴行筆削不敢妄書庶幾剖判仙凡垂名者  
貴人間天上普見愚衷惟萬劫至人上士鑒之焉

遼太祖九年君基太乙神數見詔圖其像 神冊三年太祖

初建 元 詔建道觀

金章宗明昌二年禁以太乙混元受錄私建庵室者 承

安元年幸天長觀建普天大醮禁屠宰七日無奏刑百  
司權停決罰 六月勅自今大德不限年甲許度弟子  
二人其道士女冠不許 泰和元年幸玉虛觀

元憲宗元年以道士李真常掌道教事 戊午歲詔釋道

辯析化胡經

世祖中統二年五月遣王祐于西川等路採訪道士

月命煉師王道歸真定築道觀賜名玉華 三年十一

月以星變勅長春宮設金符周天醮 至元元年三月

設周天醮于長春宮 三年四月勅道士祈福于中都

觀 五年九月勅長壽宮修設金符周天大醮七晝夜

七年九月勅道士有家室不持戒律者占籍為民

十二月禁道士冒據民田 十一年正月長春宮設周

天金錄醮七晝夜 十二月賜太乙真人李居素第一

區仍賜額曰太乙廣壽萬福宮 十二年四月遣兵部  
郎中王世英刑部郎中蕭郁持詔召嗣漢四十代天師  
張宗演赴闕 七月詔遣使江南搜訪儒醫僧道陰陽  
人等 漢天師世家叙曰漢唐至宋初帙夫無攷此自  
繼先始繼先在宋徽宗時一日隨上入寢殿宮嬪競以  
扇求書繼先以經語書之皆密契其意中舉一握稽首  
書曰保鎮國祚與天長存乃上所御也上竒之命禱雨  
三日乃止授太虛大夫詔江東漕臣即山中度地遷建  
上清觀改為上清正一宮靖康初上復召值金人犯汴

行至泗州天慶觀索筆詩隱几而化葬于于龜山之麓  
後十六年西河守陸堅遊青城山相遇于峽口繼先以  
書一封赤鳥一隻令達嗣天師家嗣天師大驚使人啟  
龜山之寔惟一鳥存繼先無嗣以象中之孫時修嗣時  
修生正應先生守真守真在母懷歷十九月始產毗陵  
有妖憑樹詔劾之一夜風雷拔去後寔濤江衡決高宗  
賜以象簡寶劔清淨陰符二經守真生景淵景淵生慶  
仙張公洞有井甚深慶仙戲折木葉擲之俄波濤騰湧  
有一老翁從中出慶仙呵戒之而去慶仙無子從子妙

觀先生可大嗣可大守真之曾孫其祖伯瑀父天麟皆嘗攝教事鄱陽水漲壞民廬無美袁甫請可大治之殛死大白蛇水遂平尋又遇旱蝗可大禱之雨作而蝗殪勅受提舉三山符錄兼御前諸宮觀教門公事主領龍翔宮時當宋季元世祖聞其神異密遣間使訊之可大授以靈詮且謂使者曰善事爾主二十年當混一一天下逮至元十三年果驗可大生宗演字世傳世祖平宋憶其父言有徵遣兵部郎中王世英刑部郎中蕭郁賚詔召之賜玉冠玉圭加以靈應冲和真人之號仍給三

品銀印令主江南道教事得自出牒度人為道士宗演生與棣字國華世祖時宣授體元弘道廣教真人賞賚優渥卒於京師與棣無子弟與材嗣與材字國梁元貞初入見大明殿制授太素凝神廣道大真人大德二年海鹽鹽官兩州潮水大作沙岸百里蝕齧殆盡與材投鉄符於水符湧躍出者三雷電晦冥殲怪物魚首龜身其長丈餘堤復故五年冬無雪上曰冬無雪民間得無有灾害乎與材建壇禱之是夜雪下盈尺上大喜命近臣賜酒曰卿能感神明一至此耶八年錄平潮功加授

正一教主兼主領三山符籙給以銀印視二品九年崇  
明州海隄崩俾弟子持符徃劾之民夢有神填海者遂  
安至大初加賜寶冠金服制授金紫光祿大夫封留國  
公給以銀印視一品與材生太玄字嗣成卒弟嗣德嗣  
嗣德卒子正言嗣正言卒太玄之子正常嗣

按道家有三正一教者龍虎山張氏所傳是也真大道  
教者始自金季道士劉德仁其教以苦節危行為先而  
不妄取于人不苟侈于己五傳至酈希誠居燕京天寶  
宮見知于憲宗始名其教曰真大道授希誠太玄真人

至元五年世祖命其徒孫德福統轄諸路真大道錫銅  
章二十年改銀印又三傳至張志清授演教大宗師凝  
神冲妙玄應真人志清事親孝尤耐辛苦制行賢峻東  
海珠牢山舊多虎志清結茅居之虎皆避徙然頗為人  
患志清曰是吾奪其宅也遂去之後居臨汾適地大震  
壓死者甚衆獨志清所居裂為二無少損焉志清乃徧  
巡木石間聽呻吟聲救活者甚衆朝廷重其名給驛致  
之掌教事志清舍傳徒步至京師深居簡出人或不識  
其面貴人達官來見率告病伏卧不起至於道德縉紳

先生則納屣杖屨求見不以爲難時人高其節至畫爲圖以相傳太乙教者始金天眷中道士蕭抱真傳太乙三元法錄之術因名其教曰太乙世傳爲蕭道輔五傳爲李居壽至元十一年建太乙宮于兩京命居壽居之領祠事且禋祀六丁以繼太保劉秉忠之術十三年賜太乙掌教宗師印此太乙道教又異于兩家者也

十三年六月召嗣漢天師張宗演赴闕十四年正月賜嗣漢天師張宗演演道靈應冲和真人領江南諸路道教旋命修周天醮于長春宮宗演還江南以其弟子

張留孫留京師十五年五月勅張留孫江南諸路道教都提點七月建漢祖天師正乙祠于京城詔張留孫居之十六年二月詔諭京師張留孫悉主淮東淮西荆襄等處道教五月命張留孫即行宮作醮事奏赤章于天凡七晝夜十月以月直元辰命五祖真人李居壽作醮事奏赤章凡五晝夜勅封杜雲隱爲普惠廣化真人提調沿江諸廟事真人洞庭湖廟祝也能知水面風波與人語輒驗江南湖北肅政廉訪使伯顏上其事于朝故特封之十二月勅自明年正月朔日

建醮于長春宮凡七日歲以為常

世祖居潛邸時憲宗有旨令僧道二家同詣上所辯析二家自約道勝則僧冠首而為道僧勝則道削髮而為僧既而僧家勝上遣近臣脫懽將道者樊志應等十有七人詣龍光寺削髮為僧焚偽經四十五部天下佛寺為道流所據者二百三十七區悉命歸之十七年二月有言道家偽經尚存者詔諭真人祈志誠等焚毀道藏偽妄經史及板七月遣中使咬難歷江南名山訪求高士且命持香幣詣信州龍虎山臨江閣皂山建康三

茅山皆設醮十月詔龍虎山天師張宗演赴闕十一月以三茅上清四十三代宗師許道杞祈禱有驗命別主道教十八年二月詔三茅山三十八代宗師蔣宗瑛赴闕三月命天師張宗演即宮中奏赤章于天五晝夜七月命天師張宗演等即壽寧宮奏赤章于天五晝夜十月樞密副使張易等叅校道書奏惟道德經係老子親著餘皆後人偽撰宜悉焚毀從之十一月召法師劉道真問祠太乙法十九年十月勅河西僧道也里可溫有妻室者同民納稅二十一年十

二月祠太乙 二十四年二月遣使持香幣詣龍虎閣  
皂三茅設醮召天師張宗演赴闕 二十五年十一月  
命天師張宗演設醮三日 二十七年二月順州僧道  
士四百九十一人饑給九十日糧 二十八年正月命  
玄教宗師張留孫置醮祠星三日 二十九年正月以  
漢天師張宗演男與棣嗣其教召赴闕 三十年四月  
勅毀江南諸道觀及聖祖天尊祠

成宗元貞元年二月賜駙馬那懷鈔萬五千錠修醮延壽  
閣賜天師張與棣宗師張留孫宗人張志仙等十三人

玉圭各一 七月詔易河南諸路天慶觀為玄妙觀毀  
所奉宋太祖神主 二年正月授嗣漢三十八代天師  
張與材太素凝神廣大真人管領江南諸路道教 二  
月詔江南諸路道士貿易田者輸田租稅 六月詔道  
士犯姦盜重罪者聽有司鞠問 十一月禁道士擅據  
鑛炭山場 十二月平章孛羅歡等請汰僧道有妻子  
者為民詔令議擬以聞 大德七年十二月加封真武  
為元聖仁威玄天上帝 以吳全節為江淮荆襄等處  
道教都提點贈封其祖父母時元帥田守璋薦劉道通

學仙術曉符錄法治疾效賜號清淨真人 八年四月  
命僧道為商者輸稅 五月以平陽太原地震宮觀摧  
圮者千四百餘區道士死傷者千餘人命賑恤之 六  
月汝寧妖人李曹驢等妄言得天書惑眾事覺伏誅  
九年二月免天下道士賦稅 十二年武宗已即位九月命  
張留孫知集賢院事領諸路道教事 十二月詔僧道  
並依舊制納稅

仁宗延祐三年十二月授嗣漢三十九代天師張嗣成大  
玄輔化體仁應道大真人主領三山符錄掌江南道教

事

七年五月

時英宗已即位

監察御史請罷僧道濫爵御史

劉恒亦請奪僧道官不從 七月以水災命玄教宗師

張留孫修醮事于崇真宮 八月河南道士李天祥坐

教人兵藝杖之 十二月以天壽節豫遣使修醮于龍

虎山 至治元年六月龍虎山道士張嗣成來朝授太

玄輔化體仁應道大真人 七月邵陽道士劉先志以

妖術謀亂捕誅之 二年正月鳳翔道士王道明妖言

伏誅 五月以吳全節為玄教大宗師特進上卿 十

一月真人蔡道泰殺人伏誅 十二月掌道教張嗣成

吳全節監道元各三授制命銀印詔奪其二 三年十

二月時泰定已即位命道士吳全節修醮事

泰定帝泰定元年十月命道士修醮事 二年二月頒道

經于天下名山宮觀 加嗣漢三十九代張嗣成太玄

輔化體仁應道大真人 三月命道士祭五福太乙神

七月遣使代祀龍虎武當二山 三年四月遣道士

吳全節修醮事于龍虎三茅閣皂三山 八月長壽宮

道士監道元以罪被黜詔道士有妻者悉給徭役 十

月以天壽節遣道士祀衛輝太乙萬壽宮 四年七月

籍僧道有妻者為民 九月禁僧道買民田違者坐罪

沒其直 致和元年五月禁道士匿商稅

文宗天曆元年十月勅天下道士有妻者皆勒為民 二

年四月括江淮道士餘糧以賑饑民 八月遣道士苗

道一吳全節修醮事于京師 九月封故領諸路道教

事張留孫為上卿大宗師輔成贊化保運神德真君

十月命道士苗道一建醮于長春宮 十一月明宗后

八不沙請為明宗資冥福命道士建醮于玉虛太乙天

寶萬壽四宮及武當龍虎二山 至順元年正月制道

士輸已粟入官者加以師號 閏七月鑄黃金神仙符  
命印賜掌全真教道士苗道一 二年二月召亳州太  
清宮道士馬道逸汴梁朝天宮道士李若訥河南嵩山  
道士趙亦然各率其徒赴闕修普天大醮

順帝元統二年禁私牒寺觀庵院僧道八錢五十貫給度  
牒方聽出家 至元二年四月遣使以香幣賜武當龍  
虎二山 三年四月遣使降香于龍虎三茅閣皂諸山  
五月加封文始尹真人為無上太初博文文始真君  
徐甲為垂玄感聖慈化應御真君庚桑子洞靈感化超

蹈混然真君文子通玄光暢昇元敏誘真君列子冲虛  
至德遁世遊樂真君莊子南華至極雄文弘道真君 至  
正二年六月命江浙撥賜僧道田還官徵糧以備軍儲  
十二年五月命龍虎山道士張嗣德為三十九代天  
師給印章 十五年江浙省臣奏請寺觀撥賜田糧盡  
行拘收從之

時玄教宗師董公上劉真人所傳丹經制贈凝妙靈應  
真人

皇明

太祖洪武元年以張正常為真人去其舊稱天師之號  
上謂群臣曰至尊惟天豈有師也以此為號褻瀆甚矣  
遂命去其正一教主天師之稱改天師印為真人印  
秩正二品其僚佐曰贊教曰掌書制曰朕惟道家者  
流本於清淨無為其來已久張氏自漢而下宗派相承  
爾四十二代孫正常存心冲澹葆德純和遠紹祖傳以  
守正一朕用嘉之賜以名號爾其益振宗風永揚玄  
教可正一嗣教護國闡祖通誠崇道弘德大真人領天  
下道教事三年庚戌太祖召學士宋濂至諭之

曰古之帝王當宴安之餘多好神仙以朕言之使國治  
民安心神恬康即神仙也濂對曰漢武好神仙而方士  
至梁武好佛而異僧集皆由人主篤好故能致之使移  
此心以求賢輔天下其有不治者乎太祖嘉納之

五年壬子令給僧道度牒僧錄道錄司造周知冊頒行  
天下寺觀凡遇僧道即與對冊其父兄貫籍告度日月

如有不同即為偽僧

防奸偽也漢張魯元彌勒佛白蓮教皆致亂云

六年癸

丑令各府州縣止存大寺觀一所併處其徒擇有戒行  
者領之若請給度牒必考試精通經典者方許十五

年壬戌冬十二月改善世院為僧錄司玄教院為道錄  
司俱正六品僧錄司設左右善世闡教詞經名義職專  
掌釋教事置于在京天界寺僧有三等曰禪曰講法曰  
瑜珈司則府曰僧綱司州曰僧正司縣曰僧會司凡各  
僧人俱統于所司道錄司設左右正一演法至靈玄義  
專掌道教事置于在京朝天宮道士有二等一曰全真  
二曰正一司則府曰道紀司州曰道正司縣曰道會司  
凡各道士俱統于所司二司俱屬禮部本司選用並不  
給俸著為令 二十四年辛未 勅禮部清理釋道曰

佛本異教漢時至自西域當時土民崇敬後有去鬚髮  
舍兒童出家者其修行則去色相絕嗜欲潔身為善道  
教始老子至漢張道陵以異術攝召鬼神禦災捍患二  
教立世久不磨滅者以此今學佛老者皆不循其本俗  
違教敗行為害甚大自今天下僧道凡各府州縣寺觀  
雖多但存其寬大可容衆者一所併居之母雜處於外  
與民相混違者治以重罪親故相隱者流願還俗者聽  
其佛經番譯已定毋得增減道士設齋醮毋奏拜青詞  
各遵頒降科儀妄立條章民有效瑜珈教稱善友假張

真人名私造符錄者並重治天下僧道有剏立菴堂寺  
觀非舊額者悉毀之 二十八年有道士以道書獻

上却之侍臣請留觀之或有可取 上曰彼所獻書非  
存神固氣之道即煉丹燒藥之說朕焉用此朕所用者  
聖賢之道所需政治之術將躋天下生民于壽域豈獨  
一己之長生久視哉苟一受其獻迂誕怪妄之士必爭  
來矣故却之母為所惑 三十四年辛巳建文三年秋限僧  
道田人五畝從戶科給事中陳繼之之議也 勅禮部  
曰朕聞釋道之教其來久矣本以清淨空幻為宗超世

離俗為事近代以來俗僧鄙士貪着自養殖貨富豪甚  
至田連阡陌本欲以財自奉然利害相乘迷不知覺既  
有饒足之利必受官府之擾况因此不能自守每罹刑  
憲非惟身遭僇辱而教亦隳焉夫佛道本心陰翊王化  
其功弘多至于末流所習本乖蠹蝕教門致使訛毀肆  
行貽累厥初朕甚憫之原其害教之端實自田始今天  
下寺庵宮觀除原無田產外其有田者每僧道一人各  
存田五畝免其租稅以供香火之費餘田盡入官有佃  
戶者佃者自承其業無佃戶者均給平民如舊田不及

令定數者不增若有以租業及歷代撥賜為詞告言者勿理如原係本朝撥賜者不在此例凡僧道一應丁役並免其有自相告訐爭訟非干軍民者聽其本教衙門自治若致傷人命及干軍民詞訟者仍聽有司受理其入理訟有司者不許仍服僧道冠服洪武年間已有清理及開設門榜文當申明遵守教規化緣者不在禁限非奉朝命不許私竊籍剃年未五十者不許為尼及女冠嗚呼多藏厚亡老氏攸戒除欲去累大覺所珍利欲減則善心生善人多則風俗美欽茲定制永底太

平遂定銓選法通類覆奏

宣宗宣德中封高道劉淵然為冲虛至道玄妙無為光範衍教莊靖普濟長春大真人

孝宗弘治十四年辛酉有旨差中官往武當山設像掛旛修舉醮事大學士劉健率同官上言近日命臣等撰勅并祝文竊聞茲山宮觀像設已極壯麗若復差官實為無益矧今災異迭出生民困苦苗賊肆亂軍旅方興糧餉供餽猶恐不給君門萬里豈能知悉宜去邪妄以遏無良從之十七年甲子有旨欲於朝陽

門外修壽塔劉健又率同官上言臣等竊惟人主信佛  
莫梁武帝為甚卒饑死臺城信老莫宋徽宗為甚卒囚  
斃虜地本以求福反以致禍觀往事可為明鑒我祖  
宗相傳以治天下者堯舜周孔之道而已似此異端蠹  
財惑衆何關於治欲造佛塔非所以訓天下垂後世也  
未幾又令撰真人杜永祺等 誥命及封號健即率同  
僚上言竊惟異端不信 誥命封號不當與夫 誥命  
朝廷所以獎貞勵能雖卿士大夫必待秩滿考最乃得  
頒 誥况 祖宗廟號不過十六字親王及文武大臣

有功德者謚號止一二字此輩何賢何能封號多至十  
八字流布朝野傳聞後世皆曰此 朝廷所給予儒臣  
所擬撰也天下後世其謂之何奏入皆報罷

世宗嘉靖九年科臣高金因撤姚廣孝配享遂上言請革  
方士邵元節李得晟二真人號 上怒曰真人封號已  
久何以至今始言必有嗾之者其逮訊之禮官言撤廣  
孝以正祀典容元節以隆祈禳皆國典之大者 上悅  
金獄少解 十二月癸巳秋八月原任朝天道錄司左  
玄議張振通有罪繫獄仍賞之振通福建閩縣人幼嘗

業儒書早夫父因入京依親禮部林郎中頗識老子錄  
得為左玄義正德十六年夏奉 詔裁革回籍作中興  
詩二十首天降寶露詩一首白鵲呈祥詩二首白兔獻  
瑞詩一首金臺八景詩九首武夷九曲詩十一首 皇  
陵八詠詩八首輔臣贊 駕詩一首共一冊至是入奏  
且云矜其愚不錄其咎當萬幾之暇曲垂采覽益加  
宸翰 賜臣前序下廷臣議時禮部尚書夏言論其先  
因夤緣冒濫陞職猥以鄙賤塵瀆 宸嚴至欲請乞  
宸翰 賜之序文尤屬狂悖之極究其用心無非呈伎

眩名希圖叙用 上怒 詔送法司提問時論快之  
十四年 上於 獻皇誕降宮中建啟祥宮以伸永慕  
又為清虛欽安二殿以祀真武為天一門以嚴塵瀆

封邵元節為清微妙濟守靜修真凝玄行範志默秉誠  
致一真人禮部尚書兼管朝天顯靈靈濟三宮摠領道  
教事 先是封陶仲文為神霄紫府闡範保國弘烈宣  
教振法通真忠孝秉一真人特進光祿大夫柱國恭誠  
伯兼管三宮摠領道教事加特進光祿大夫柱國兼大  
學士俸廕一子尚寶司丞時 徽王厚爵 遼王憲節

亦自乞封真人授黃金印其印特大於國封之寶 賜  
邵元節蟒衣玉帶卒謚文康榮靖道士陶仲文以伯禮  
葬亦謚榮康思肅壽皆八十二而四謚千古所無二二  
人偕得之隆慶初年同日削奪 二十二年方士段朝  
用以黃白術干郭勛因得薦進用遂封紫府宣忠高士  
既而授羽林衛百戶久之伎窮反索勛賄撲死勛奴乃  
上書瀆奏 上怒收繫獄論死竟賞之 時陶真人得  
幸其子陶倣進九白堯肚香袍又陶世恩進小涵丹劉  
文彬進經驗仙丹王兆先進五色龜芝又進百花酒以

煖丹田世文進天水生元丹高守中進三元丹丹皆麝  
附房術諸人俱以方士致通顯 世宗晚年鬚眉脫落  
及至大漸丹毒並作殊可痛恨 三十九年冬十月兵  
部尚書許綸家藏白玉蟾真蹟一卷 四十十年夏四  
月分遣御史王大任姜倣往天下訪仙術異人及符篆  
秘方 是年十二月營萬壽宮為齋醮之所自壬寅以  
後 上嘗居顯法宮玄都殿湫隘不稱欲建萬壽宮以  
居閣臣徐階袁煒受 旨而以侍郎朱衡董之盡括諸  
部積帑晝夜兼工三月而成有壽源萬壽太玄仙禧諸

殿宏麗甲于諸宮 上大悅命階兼支尚書大學士俸  
廕一子中書舍人煇加少保 四十三年秋七月王大  
任姜儆以異書復命進侍講學士 四十四年胡大順  
進萬壽全書及清霞玉粉丸大順陶仲文徒也既歸乃  
撰萬壽全書一帙稱呂祖以箕授者及黑鉛取白先天  
水銀煨成青霞玉粉之丸命子玉玄與何廷玉因道士  
藍田王羅萬象以通內監趙楹獻之 上問曰既云箕  
書扶箕者何在田王遂詐 旨徵大順入求見 上悟  
曰朕未嘗召安得輒來 詔錦衣衛訊之楹即密疏置

殿櫃中力為申解 上怒 命司禮監并鞫得詐傳狀  
皆論斬楹斃于獄

穆宗隆慶元年正月方士王金等下獄論死金初以修煉  
黃緣真人陶仲文子世恩希求恩澤乃偽造五色靈龜  
靈芝以為天降瑞徵又與世恩及陶儆劉文彬申世文  
高守中偽造諸品仙方養老新書七元天擒護國兵策  
又以金石藥進 御儆得遷太醫院使世恩太常寺卿  
金太醫院御醫文彬太常寺博士至是以 遺詔逮金  
等鞫問遂皆伏法 四月科道官辛自修王好問等各

疏言尚書徐可成黃冠雜流侍郎郭文英匠作鄙役本  
士論所不齒而尚書顧可學以方術侍郎朱隆禧以藥  
物並冒恩寵尤大得罪于名教侍郎張電以儒士習  
書遂濫卿貳悉當追論以示創懲故追奪其贈謚 誥  
命及仆 諭祭等碑 時吏部覆主事郭諫臣奏正一  
真人荒淫不檢不當復令世襲宜行所司查議應否永  
為革除 二年正月 詔革正一真人名號奪其印張  
氏自東漢建武中張道陵以修煉符水術起傳數世有  
張魯者即史稱五斗米賊能攝役鬼物愚民神而事之

魯之子元忠于道陵煉丹處設壇授法唐會昌間始賜  
名真仙觀宋大中祥符間王欽若奏改為上清觀元至  
正中始封正一教主真人主領符籙事 國朝因令承  
襲傳至嗣孫張永緒以淫縱間術益衰永緒死無嗣江  
西守臣因言張職名 賜印不載典籍隱稅逃役公行  
吞噬無功于世有害于民宜為裁革禮部覆如守臣言  
請革其封號止以裔孫張國祥為上清觀提點鑄給提  
點印 上從之

今上萬曆七年周王在廷奏立祠祀熒惑大德真君及觀

音神請額禮科給事中張養蒙論其非禮 上命停給

續文獻通考卷之二百四十終

續文獻通考卷之二百四十一

皇明進士雲間王圻算輯

仙釋考 道書名義 道家姓氏上

道書名義

崑崙 頭為三台君為崑崙指上丹田也又云臍為太乙君為崑崙指下丹田也

丹田 丹田有三所靈命之根眉間入三分為雙丹田却入三寸亦為丹田又云心下為中丹田臍下

為下丹田腦為上丹田

泥丸 腦也亦曰九原山即眉間却入三寸之丹田其神曰精根字曰泥丸

天庭 兩眉間為天庭又為玉瑤紫府又名玉華

音神請額禮科給事中張養蒙論其非禮 上命停給

續文獻通考卷之二百四十終

續文獻通考卷之二百四十一

皇明進士雲間王圻算輯

仙釋考 道書名義 道家姓氏上

道書名義

崑崙

頭為三台君為崑崙指上丹田也又云臍為太乙君為崑崙指下丹田也

丹田

丹田有三所靈命之根眉間入三分為雙丹田却入三寸亦為丹田又云心下為中丹田臍下

為下丹田腦為上丹田

泥丸

腦也亦曰九原山即眉間却入五寸之丹田其神曰精根字曰泥丸

天庭

兩眉間為天庭又為玉瑤紫府又名玉華

按大洞經云眉間入三分為髮丹田入骨際三分為臺闕左青房右紫戶一神居之眉間却入一寸為明堂左明童君右明女君中明鏡神君眉間却入二寸為洞房左無英君右白元君中黃老君眉間却入三寸為丹田亦名泥丸宮左有上元赤子君右有帝鄉君又却入四寸為流珠宮有流珠真君居之又却入五寸為天庭宮上清真女居之又當明堂上一寸為極真宮太極帝妃居之又流珠直上一寸為丹玄有中黃太乙君居之又流珠直上一寸為太皇宮太上君居之男為雄乙女為雌乙男女並可修也

蒼華 太元神並髮 華根 雲儀 玉華並

髮天臺 中嶽 神廬 長谷皆鼻 玉隴 靈堅

皆鼻 銀海 明珠並目 英玄目神 明上目神

華蓋眉 空閒 矯女皆耳

幽田耳神 紫煙目精氣目見紫青 絳三色為三素雲

太淵 金醴 玉英 玉池 醴泉皆口中液又脾

雲根 朱鳥皆舌 通命舌神

正倫舌神 玄膺舌下通津

崑峯齒神 白石齒 羅千齒神

靈宅 天宅皆面 中池名

玉都 玉樹皆身 玉樓名

靈臺 紫房 絳宮 赤城皆心

守靈

心神 丹元 心神

龍烟

肝神

含明 肝神

黃野 常在 皆脾

魂停 靈源 皆脾

虛成

肺神

皓華 混康 皆肺

威明

膽神 龍曜 膽神

太倉 胃

玄冥

腎神

育嬰 腎神

幽關 兩腎也 又曰左

玄鄉 腎

長城

小腸

隱龍 肝膽

重樓 喉 龍名 又名十二

八素瓊 重樓中有

三焦 焦者熱也 心

內芝 脈

神華 大陰玄光玉女之母居脾臟之

桃康 丹田下精神名

黃庭 脾胃之下膀胱之上心之北而腎之南肝之西

道九 黃童 黃庭真人一

黃婆 人之胎息是也 黃者中之色 婆者母之

四海 心為血海 腎為氣海 腦

九江 小腸二丈四尺而上下九

三島 頂為上島 心為中島 腎

六池華池在黃庭之下瑶池在丹闕之前崑池上接玉京天池正衝內院鳳池在心肺之間玉池在

神水生于中 金波降于上

瓊液玉泉赤龍之住 白雪陽酥凡胎換後方有

三池膽為中池舌為華池 三房明堂洞房

三宮三丹田中 九室頭中九宮室

五芽五行之生氣青黃赤白黑也 三神三丹田之神

六丁丁酉丁丑丁卯丁巳丁未丁酉丁亥陰神玉女也

六甲甲子甲寅甲辰甲午甲申甲戌陽神玉男也

三奇靈一曰太清三曰符籍 八景形五臟有八卦

六神六腑等神 三清太清上清玉清

三元精炁神 玉晨君太上尊稱

九神三丹田三皇九鬼變為九炁化為九神

紫霞宮清內上 藍珠宮仙宮中有陽殿

三光日月星 五靈水火金星木

桃核太乙名 鬱儀奔日仙

結璘奔月仙 五仙天仙地仙

八仙漢鍾離呂洞賓鉄拐李風僧哥

三關口為天關手為人關足為地關又關又曰明堂洞房丹田俱在兩眉

上為

三老元老中元下元老君又曰上三靈也又名三靈

三真帝黃老

九微太真太素太和為三元三三為九宮宮中幽微又曰

九微

八術九宮中有隱遁變化之術

三虫質使人貪寶好喜怒下尸名彭嬌使人愛好夜

白既淫女色故名三尸名彭嬌使人愛好夜

死速

三炁三丹田

九道九竅也

四緣身心事

二藥內藥外藥

上藥三品精氣神為上藥物三家身心意曰三家

五炁精神意

五行鉛銀汞

鉛汞鉛取於銀其體沉重而喜墜比腎水以潤下易

易散

聖胎神凝氣結為

脫胎歸根復命丹成曰脫胎

玄關四大五行不

嬰兒一含真氣

玄北曰舉心動念

鼎爐身心為

藥物真鉛坎為太陽因受坤體成離為少陰是為姤女為

兒為真汞合成藥物

三光聚頂煉精化炁為初閉身不動也煉神還虛為上閉意不動

也名三光聚頂亦曰三關

七返煉神之成返虛神屬火七乃九還以性攝情情屬金

身中夫婦為媒而相和合黃婆真種子一天地未判之先

種子

三宮精神居乾宮氣居坤宮名三宮中宮 三要歸根之竅復命

內外藥俱有內外藥煉神 玄龜朱雀心火為玄龜

五氣朝元性身不動精固水朝元情忘則鬼伏金朝元

四大安和則意定土朝元

三成法有小成中成大成

木父金公乾坤中之陰入乾朝成離木生離火故曰木父

二八陰陽和平如 沐浴洗心滌慮

養火為絕念頭 了當體曰了當

龍虛名曰真水以中有氣名曰真火心火也火中生液

之餘陰而氣過肝時即為純陽藏真陰之水恍惚

名真龍以火尅金心液藏而肺夜生以絕心之餘 陽而液到肺時即為純陰藏真陽之氣香冥名真

黃芽故曰龍虎交而黃芽就乃成丹藥氣傳子母液行夫婦

傍門九品下三品邪道中三品

漸法三乘下乘安樂法中乘養生法

抽添法冬至後陽升於地地抽其陰太陰抽而為少陰陽明而為太陽

添而為陽明少陰夏至後陰降於天天抽其陽太陽抽而為少陽厥

陰添而為太陰日

河車人生陽少陰多無非是水故有取于河車之義

三劍一斬煩惱二斬貪嗔八瓊丹丹砂雌黃空青硫黃

十二科後配正陰陽聚散水火交媾形金液還丹

煉形內觀交

九難衣食逼延尊長激開名利縈絆思愛牽纏災禍

十魔六賊魔富魔貴魔六情魔思愛魔患難魔聖賢

外見在二夢六義金誥玉書真元

治五臟法治肺用咽咽為瀉吸為補治心用呵呵為

用呼為瀉吸為補治肝用噓噓為瀉吸為補治脾

四大天大地大王道

道家姓氏上

上古

賣文賦通考

通玄天師又名萬法天師初天皇時出以無極大道下  
教人間

有古大先生在地皇時出化人以無上正直之道  
盤古先生在人皇時出化人以太平無為之道

鬱華子伏羲時出授天皇內文一號宛華稱田野子作  
元陽經

大成子伏羲時出降於濟陰授地皇內文教人以好生  
之道

赤松子神農時雨師也服水玉以教神農能入火自燒

常至崑崙山<sup>上</sup>止西王母石室中隨風雨上下炎帝少

女追之亦得仙俱去至高辛時復為雨師  
後黃初平亦號赤松子

甯封子黃帝時人世傳為黃帝陶正有人為掌火出五色煙久則以教封子封子積火自燒而隨煙氣上下視其灰燼有骨焉時人共葬于寧甯北山中故曰甯封子

廣成子黃帝時人隱居平涼崆峒山黃帝嘗就問道告曰至道之精窈窈冥冥至道之極昏昏默默無視無

經云廣遠  
聽抱神以靜形將自正必靜必清毋勞爾形毋搖爾  
精毋俾爾思慮營營乃可長生慎內閉外多智為敗  
我守其一而處其和故千二百年而未嘗衰老授帝  
以陰陽經

馬師皇黃帝時馬醫也知馬形氣生死之診治之輒愈  
後有龍下向之垂耳張口師皇鍼其唇下口中以甘  
草湯飲之而龍疾愈後數有疾龍求治一旦龍負師  
皇而去

赤將子輿黃帝時人不食五穀而噉百草花至堯時為

木工能隨風雨上下時時于市賣繳亦號繳父

隨應子少皞時出降于崆峒山說莊敬經又號太極先  
生

赤精子顓頊時出說微言經

綠圖子帝嚳時出降于江涓說黃庚經

唐虞

務成子唐堯時出降于姑射山說玄德經

偓佺槐山采藥父也好食松實形體生毛長數寸兩目  
更方能飛行逐走馬以松子遺堯堯不暇服時人受

服者皆至二三百歲

方回堯時隱人堯聘以為閭士煉食雲母粉亦與民人之有病者隱于五柞山中夏啓末為宮士為人劫閉室中求道回化而去更以丸泥掩封其戶時人言得回一丸泥塗戶終不可開

尹壽子虞舜時出降于河陽說道德經

夏

真行子禹時出降于商山授禹九疇書及靈寶五符治水真文

錫則子禹時出降于潛山作長生經一號錫壽子

務光夏時人耳長七寸好琴服蒲韭根湯將伐桀謀于光不對既克桀以天下讓于光光曰廢上非義也殺人非仁也人犯其難我享其利非廉也吾聞非義不受其祿無道之世不踐其位遂負石自沉于蓼水已而自匿後四百餘歲至武丁時復見武丁欲以為相不從逼以非禮遂投浮梁山後遊尚父山

商

古邑先生成湯時出

紀元通志 卷之百一  
仇生不知何所人殷湯時為木工三十餘年而更壯皆  
知為奇人共師奉之常食松脂在鄉北山上自作石  
室終焉

彭祖殷大夫姓錢名鏗帝顓頊之孫陸終氏之中子歷  
夏至殷末八百餘歲常食桂芝善道引行氣歷陽有  
彭祖仙室前世禱請風雨莫不輒應常有兩虎在祠  
左右祀訖地即有虎跡云後昇仙而去有子二人長  
武次夷故後人名其所居山曰武夷山  
商容殷時出

周

萬輔先生字君孝周成王時人跨白驢入三嶂山結草  
為廬舍煉丹得道故後世名曰廬山

叩䟽周封史也能行氣煉形煮石髓服之名石鐘乳至  
數百年往來入太室山中有臥石床枕焉

嘯父冀州人少在西周市上補履數十年人不知也後  
奇其不老好事者求其術不得唯梁母得其作火法  
後與梁母別列數十火而昇天西邑多奉祀之

葛由羗人也周成王時好刻木羊賣之一日騎羊入西

蜀蜀中王侯貴人追之上綏山綏山在峨眉山西南  
高無極也隨之者不復還皆得仙道里諺曰得綏山  
一桃雖不得仙亦足自以豪山下立祠數十處

容成公見于周穆王時自稱黃帝師善補導之事取精  
于玄牝其要谷神不死守生養氣者也髮白更黑齒  
落更生與老子同亦云老子師

杜宇古蜀主蜀嘗大水宇與居人避水于長平山後豷  
靈開峽治水人得陸處宇禪位與之自居 山得道  
昇天一云化為杜鵑

李八百蜀人初居筠陽五龍岡歷夏商周年八百歲又  
動則行八百里人因號為李八百或居山林或居市  
廛又修煉于華陰山石室丹成還蜀周穆王時居金  
堂山蜀人歷代見之又有弟女弟亦得仙封號妙應  
真人今成都金堂縣有仙人井云妙應真人煉丹之  
所一云李八百之妹號明香真人初修道于華林元  
秀峰後于峯南五龍岡設壇道成冲舉唐天寶中即  
其地為元陽觀又晉時妖人李脫自稱八百歲號李  
八百煉丹于瑞州府有迷仙洞此假托道者

王子喬周靈王太子晉也好吹簫作鳳凰鳴遊伊洛之  
間道士浮丘公接以上嵩高山三十餘年後求之于  
山上見桓良曰告我家七月七日待我于緱氏山巔  
至時果乘白鶴駐山頭望之不得到舉手謝時人數  
日而去後立祠于緱氏山下及嵩高首焉  
尹軌號太和真人 杜冲號太極真人 彭宗號太清  
真人三人皆西周時得道成仙

浮丘伯姓李居嵩山修道白日飛昇嘗作原道歌曰龍  
伏虎亦藏龍藏先伏虎但畢河車功不用提防拒諸

子學飛仙狂迷不得住左右得君臣四物相念護乾  
坤法象成自有真人顧又有相鶴經王子喬傳

宋倫洛陽人周厲王甲辰歲入道凝心寢形抱一冲和  
後感老聃授之上道即能飄然飛步凌波涉險或化  
麋鹿或為鳩鶴弋獵者自不能近或為虫癩之人與  
病者寢處自然疾瘥宣王丁巳歲上昇今為太清真  
人

馮長驪山人周宣王時為柱下史觀天文之變乃退隱  
攝生遇鄧真人授以靈書功行垂成復遇彭真人授

以太上隱書遂得道用術濟人平王三十年昇仙而  
去今為西嶽真人

幼伯子周蘇氏客冬常着單衣盛夏着襦袴形貌歲異  
老而更壯世世來誠祐蘇氏子孫得其福力

春秋

馬丹晉狄人文侯時為大夫至獻公時為幕府正獻公  
滅狄殺菴太子丹乃去至趙宣子時乘安車入晉都  
侯諸大夫靈公欲仕之迫不以禮有迅風發丹入迴  
風而去北方人尊而祠之

蕭史周宣王時父蕭欽好道老君降其家而生初無名  
宣王以史籍散失召為史官故人以史目之善吹蕭  
能致孔雀白鶴於庭秦穆公有女弄玉好之公遂令  
孟明為媒蹇叔為賓以女妻焉日教弄玉作鳳鳴居  
數年吹似鳳聲鳳鳥來止其屋公為作鳳臺夫妻居  
其上一旦隨鳳鳥飛去故秦人作鳳女祠于雍宮時  
間有蕭聲

冠先宋人以釣魚為業居睢水旁百餘年得魚或放或  
賣或自食常着冠帶好種荔枝食其葩實宋景公問

其道不告即殺之後數十年踞宋城門鼓琴數十日  
乃去宋人家家祠焉

涓子齊人好餌术食其精至三百年乃見于齊著天人  
經四十八篇後釣于荷澤得鯉魚腹中有符受伯陽  
九仙法隱于宕山能致風雨淮南王安少得其文不  
能解中琴心三篇最有條理

琴高趙人以鼓琴為宋康王舍人行涓彭之術浮游冀  
州涿郡之間二百餘年後辭入涿水中取龍子與諸  
弟子期日皆潔齋待水傍設祠果乘赤鯉來出生祠

中留月餘復入水去

陸通楚狂接與也好養生食索盧木實及蕪菁子遊諸  
名山後住蜀峨眉山上世世見之歷數百年去

赤須子鄆人為秦穆公時主魚吏教前道鄆界水旱災  
害十不失一臣下歸向迎而師之間所長好食松實  
天門冬石脂菑落更生髮墮再出去吳山下十餘年  
莫知所之

任光上蔡人善餌丹賣于都市里間積八十九年如十  
數歲面顏後長老識之知是故時任光也趙簡子聘

與俱歸常在栢梯山上百年不知所在

老子姓李名耳字伯陽楚苦縣人懷玄妙玉女腹八十一年而自母右脅生生時皓首故曰老子為周柱下史好養精氣貴接而不施轉為守藏史積二百餘年時稱為隱君子號曰老聃仲尼至周見老子知其聖人乃師之後欲開化西域乃乘青牛車去入秦過西關關令尹強使著道德上下經二卷 葛稚川曰老子無世不出數易姓名出于黃帝時號廣成子周文王時號燮邑子為守藏史武王時號育成子為柱下

史康王時號郭叔子漢初號黃石公漢文時號河上公

關令尹喜字公文周大夫善內學常服日精月華隱德修行時人莫知老子西遊喜先見紫氣來知有真人當過物色遮之果得老子老子亦知其竒為著書授之曰千日之外尋我于蜀中青羊之肆至期果見于大官李氏家老子集眾仙冊號尹為文始先生位為無上真人與俱遊流沙莫知所終尹喜亦自著書九篇號關尹子

平常生居于穀城鄉教死復生時人不信後大水出一  
鄉被害平在缺門山頭大呼曰平常生在此且云雨  
五日必止止則上山求祠之但見平衣帔草帶後教  
十年復為華陰門卒

江妃二女不知何所人出遊於江漢之涓逢鄭交甫請  
其佩二女解佩與之交甫悅而懷之當心趨數十步  
探懷中失佩顧二女亦不見

戰國

鬼谷子晉平公時人姓王名詡嘗入雲氣山採藥得道

顏如少童戰國時隱居陽城青溪之鬼谷因以自號  
長於養性治身蘇秦張儀嘗學道受柅闔之術十三  
章三年辭去曰二子輕喬松之永壽貴一旦之浮榮  
惜哉晚乃益出七術其言有曰有人動我靜人言我  
聽性則寡累知命則不憂至盛神養志諸論所謂中  
稽道德之祖散入神明之蹟者殆亦幾乎鬼谷處人  
間數百歲後不知所終

茅濛咸陽人博學深鑒知周室將衰不求仕進嘆曰人  
生若流電於是師鬼谷先生受長生術遂入華山修

煉秦始皇三十年九月庚子白日昇天先是邑人謠  
曰神仙得者茅初成駕龍上昇入太清時下玄洲戲  
赤城繼業而往在我盈帝若學之臘嘉平始皇聞之  
因改臘為嘉平玄孫盈固衰皆得仙居茅山號三茅  
桂父象林人色黑而時白時黃時赤南海人見而尊視  
之常服桂及葵以龜腦和之其人累世見焉

瑕丘仲甯人賣藥于甯百餘年人以為壽後地動谷壞  
仲及里中數十家臨水屋皆敗仲死人取仲尸棄水  
中收其藥賣之仲披裘而詣取藥棄仲者叩頭求哀  
仲曰弗恨汝使人知我耳吾去矣後為夫餘胡王驛  
使復來至甯北方人號謫仙

酒客梁市上酒家人不著姓名作酒常美售之日得萬  
錢有過而逐之主人酒輒酢敗窮貧梁市中賈人多  
以女妻而迎之或去或來後百餘歲來為梁丞使民  
益種芋菜曰三年當大饑卒如其言梁民得不死五  
年解印綬去莫知其終

祝鷄翁洛人居尸鄉北山下養鷄百餘年鷄有千餘頭  
皆立名字暮棲樹上晝放散之欲引呼名即依呼而

至賣鷄及子得千餘萬輒置錢去之吳作養魚池後  
升吳山白鶴孔雀常至其傍

姚坦號玄洲真人 周亮號八素真人 尹登號太極

真人 王琮號黃庭真人 李翼號西岳仙卿以上

五人皆周秦間得道成仙

馬成子扶風人周秦間慨然有修道志棄家入伯陽川  
遇一童子授以胎元煉氣法乃入蜀鵠鳴山隱居洞  
中忽一人杖策至曰此山鵠鳴子當登仙矣乃授以  
神丹曰氣為內丹藥為外丹子受仙童內丹今復受

吾外丹不當為高真矣言訖乘雲去成子服之遂白  
日昇天

秦

安期生瑯琊阜鄉人賣藥廣州海邊人言千歲翁秦始皇  
皇請見與語三日三夜賜金壁度數千萬出置阜鄉  
亭而去以赤玉舄一兩為報曰後數年求我於蓬萊  
山始皇遣徐市盧生等入海求之未至蓬萊輒逢風  
波而返乃立祠阜鄉亭海邊十數處祀之生嘗食李  
少君棗大如瓜其蒲澗所產菖蒲一寸九節生嘗採

而服之其隱居有十蒲澗其一也

孔丘明秦時人與駱法通等十人避亂來玉笥山修煉道成騰空而去

毛女在華陰山中山客獵師世世見之自言始皇宮人秦亡入山食松葉遂不饑寒身輕如飛

魯生女長樂人初餌胡麻絕穀十餘年少壯色如桃花一日別親故入華山後五十年人見其于廟前乘白鹿從王母去

盧仙始皇遣入海求仙藥不獲盧與侯生謀隱入邵陵

雲山今山有侯仙迹盧仙于影秦人古道煉丹井飛昇臺掃壇竹皆其遺跡

丁令威遼東人嘗學道於靈墟山離家千歲化為白鶴而歸集于華表柱語曰有鳥有鳥丁令威去家千年今始歸城郭如故人民非何不學仙塚累累其歲月

無攷

靈墟山在太平府

黃石公下邳人遭秦亂自避姓名人莫知者初張良易姓為長步游沂水圯上因取履謂孺子可教乃與期會出一編授之曰讀是則為王者師後十三年孺子

見濟北穀城山下黄石即我矣遂去不見良以其書  
佐漢取天下後十三年從高祖過濟北穀城山下得  
黄石良寶而祠之

前漢

朱仲會稽人常于會稽市上販珠漢高后下書求三寸  
珠仲購書笑曰真值汝矣持三寸珠詣闕上稱珠好  
過度即賜五百金魯元公主復私以七白金從仲求  
珠仲獻四寸珠置于闕即去下書會稽徵聘不知無  
所在景帝時復來獻三寸珠數十枚輒去不知所在

河上公陝州人文帝時結廬於河濱時帝好老子書未  
解遣使問之公曰道尊德貴非可遙問于是遂枉駕  
問之授素書老子章句二卷曰熟研此即所疑自解  
今有廟在陝州北

修羊公魏人在華陰山上石室中有懸石榻卧其上石  
盡穿陷畧不食時取黃精食之後以道于景帝帝重  
之使止王郎中數年道不可得有詔問修羊公能何  
術發未訖牀上化為石羊題其背曰修羊公謝天  
子後置石羊于靈臺上羊後復去不知所在

劉諷潁川人景帝時仕為公車司馬事司馬季主得服  
日月精華之道晚歸鄉里托形杖履而去時又有金  
碧劉真人未詳其實

稷丘君泰山下道士也武帝時以道術受賞賜髮白再  
黑齒落更生後罷去上東巡泰山稷丘君乃冠章甫  
衣黃衣擁琴來迎拜曰陛下勿上也上必傷足指及  
數里左足指果折上諱之祠而還後為稷丘君立祠  
崔文子泰山人世好黃老居潛山下後作黃散赤丸賣  
都市自言三百歲時有疫氣民死者萬計長吏之文

所請救文擁朱幡繫黃散以徇民間飲散者活萬計  
後去在蜀賣黃散世寶為神

東方朔字曼倩平原厭次人久在吳中為書師武帝時  
上書拜為郎以詆諧得幸時見規益至昭帝時人或  
謂聖人或謂凡人莫知其旨宣帝初棄郎以避世置  
饋官舍風飄之而去後見於會稽賣藥智者疑是歲  
星精也

鈎弋夫人齊人姓趙少時好清淨病卧六年右手拳屈  
飲食少望氣者云東北有貴人氣推得之姿色甚偉

武帝披其手得一玉鈎而手尋展遂幸而生昭帝後  
武帝害之殯尸不冷而香一月間昭帝即位更葬之  
棺內但有絲履故名其宮曰鈎翼後避諱改弋  
犢子鄴人少在黑山採松子茯苓餌之且數百年時壯  
時老時好時醜人乃知其仙人也酒家陽都女眉生  
而連耳細而長衆以為異犢子牽黃犢來過都女悅  
之遂留相奉侍都女隨犢子出取桃李一宿而返皆  
連甍甘美邑中隨伺逐之出門共牽犢走人不能及  
旦復在市中後數十年去蟠山下冬亦賣桃李云

騎龍鳴潭亭人年二十於池中得龍子如守宮者十餘  
結草廬養食之龍稍稍長大而去後五十餘年水壞  
廬他往一旦騎龍來潭亭下語云我馮伯昌孫也此  
間五百里地有灾信者皆去不信者以為妖至八月  
果水至死者萬計

主柱不知何所人與道士共上宕山言此有丹砂可得  
數萬斤宕山長吏知而封之砂流出飛如火乃聽柱  
取焉邑令章君明餌砂三年得神砂飛雪服之五年  
能飛行遂與柱俱去

園客濟陰人貌好性良邑人多欲以女妻之終不取常  
種五色香草積數十年食其實有一且五色蛾止香草末  
客收而薦以布生桑蠶焉至蠶時有好女夜至自稱客  
妻道蠶狀客與俱收蠶得百二十頭繭皆如甕繅一  
繭六十日始盡訖則俱去莫知所在故濟陰人世祀  
桑蠶設園客祠

李少君臨淄人見武帝有故銅器曰此齊桓公故器嘗  
陳於寢庭帝驗其刻果然因知少君已數百歲矣  
鹿皮公淄川人少為木工舉手能成器械岑山頂上有

神泉人不能至木工作轉輪懸閣數十日梯道四間  
成上其巔作祠舍留止其旁食芝草飲神泉且七十  
年淄水未來疾呼山下宗室族室家族六十餘人令上山  
甫半水漂一郡沒者萬計後着鹿皮衣下山復上閣  
後百餘年賣藥于市

昌客常山道人自稱殷王子食蓬蘽根年二百餘而顏  
色如二十許人常致紫草賣染家以錢遺孤寡歷世  
皆然

白石生嘗煮白石為糧人問何不霞舉笑曰天上多有

至尊相奉事更若于人間時號為隱遯仙人

孟岐嘗言周公負成王朝周廟岐時側周公以玉笏遺

岐岐嘗寶執以衣袂拂拭今笏銳欲折矣

谿父南郡鄜人居山間有仙人從買瓜教之揀瓜子與

桂附並實共藏而對分食之二十餘年能飛走升山

入水後百餘年居絕山頂時呼谿下父老與道平生

時事云

山圖隴西人少好乘馬折足道士教服地黃當歸羗活

獨活苦參散一歲而病愈身輕不嗜食追道士問自

言五嶽使採藥名山能隨吾使汝不死圖隨六十餘

年一旦歸持母服復去莫知所之

王真上黨人武帝時為郡吏年百歲面有光澤能履水

赴火出入不由戶

衛叔卿不知何所人武帝時乘雲車駕白鹿來見帝將

臣之叔卿不言而去帝悔求得其子度世令追其父

度世登華嶽見父與數人博石上叱度世令還一云令握

所居柱下石函得五色雲母度世服之仙去

八公不知何所人亦不詳姓字淮南王劉安好神仙有

八公鬚眉皓白詣門求見門人曰吾王好長生先生無駐衰之術未敢聞八公咸變為童子白日昇天州

巢縣有八公山

黃安每坐一神龜廣三尺出則負龜而趨嘗言伏羲始作網罟獲此龜以授我此龜畏日月光三千年一出頭吾坐此以來龜已五出頭矣

淮南王既成仙其遺藥在器鷄犬舐之亦飛去南陽人陳永伯得其七星散方試合服之二十八日忽然不知所在兄子增族亦服父因繫其足閉于密室晝夜

守之亦不知所在本方曰服三十日而失其所在後人不服敢服之者臨去時必有仙官來迎但人不見耳

谷春櫟陽人成帝時為郎病死而屍不冷家發喪行服猶不敢下釘三年更着冠幘坐縣門上邑中大驚家人迎之不肯歸啟棺有衣無屍留門上三宿去長安止橫門上人知而追之復去之太白山立祠山上時至祠中止宿

子英舒鄉人入水捕魚得赤鯉持歸養池中食以穀米

一年長丈餘遂生角翅子英怪異拜謝魚言我來迎汝矣天即大雨子英上魚背騰空而去歲時來歸故舍魚復迎去如是者七十餘年故吳中門戶皆作神魚因立于英祠云

陰生長安中渭橋下乞兒也常乞於市市人或以糞灑之衣不污如故長吏知之收繫桎梏而仍在市乞又械欲殺之乃去灑者家室自壞殺十餘人長安謠曰見乞兒與美酒免破屋咎

服閭不知何所人常止于莒往來海邊諸祠中有三仙人于祠中博賭瓜顧閭令擔黃白瓜數十頭少瞑目而覺則在方丈山間取山上珍寶珠玉往來莒市賣之一旦髡頭赭衣貌更好人問之言坐取山中物云後數年貌更壯好鬚髮如往日矣

文賓太丘鄉人賣履為業數取姬棄之後故姬年九十餘見賓年更壯拜而涕泣賓約與會鄉亭西社姬夜從兒孫行十餘里坐社中待之須臾賓到大驚汝好道耶前不宜去汝也令服菊花地膚桑上寄生松子以益氣姬遂更壯復壽百餘年

東華帝君姓王不知其世代名號或云名玄甫得老子之道後隱崑崙山復居五臺紫府洞天自號少陽帝君子終南凝陽洞以道授鍾離權

鍾離權咸陽人號和谷子一號正陽子又號雲房先生生而奇異美髯俊目身長八尺餘歷仕漢及魏晉首遇上仙王玄甫再遇華陽真人授秘訣遂棄世事於縣東四十里正陽洞修煉登仙今號正陽帝君

陳安世京兆人稟性慈仁為權叔本家傭賃叔本好道有二仙人托為書生從叔本遊叔本意怠二仙曰幾

成而敗見安世等寔曰汝好仙乎曰好二人與約早會大樹下三期皆早至乃以藥二丸與服遂不食但飲水叔本知其得仙反師事之後安世白日昇天

劉根長安人成帝時入嵩山學道遇神人授以秘訣遂得仙用術濟人潁川太守史祈以為妖遣吏捕根欲戮之至府祈曰能召鬼即至不爾當戮根曰甚易借筆書符忽見兵甲各二囚至廳前祈熟視乃父母也即驚愕流涕鬼責其子曰汝何得罪神仙累親如此太守伏罪求救方解根遂不見

經文通考  
卷之三  
商丘子胥高邑人好牧豕吹竽年七十不娶而不老邑人從之學道問其要言但食木菖蒲根飲水而已如此傳世三百餘年

子主楚語而細音不知何所人詣漢江都王自言竇先生願我作客三百年不得直以為狂人也問竇先生所在云在龍眉山上王遣吏將上龍眉山巔見竇先生毛身廣耳披髮鼓琴主見之叩頭吏致王命先生曰此主吾比舍九世孫且念汝家當有暴死女子三人勿預吾事語竟大風發吏走下山比歸宮人相殺

三人王立遣牲祀焉

陶安公六安鑄冶人也數行火火一旦散上行紫色衝天安公伏冶下求哀須臾朱雀至治上曰安公安公治與天通七月七日迎汝赤龍至期赤龍到大雨而安公騎之東南上下城邑眾共辭訣云

赤斧巴戎人為碧鷄祠主簿能作水瀕鍊丹與消石服之三十年顏如童子毛髮皆赤後數十年取華山禹餘糧餌賣于蒼梧湘江間累世見跡手掌中有赤斧呼子先漢中閔下卜師也壽百餘歲臨去呼酒家老嫗

曰急裝當與共應中陵王夜有仙人持二茅狗來子  
先與嫗各乘之乃龍也上華陰山而止

負局先生語似燕代間人嘗負磨鏡局狗吳市磨畢輒  
問主人有疾苦者否輒出紫丸藥與之病莫不愈嘗  
大疫活者萬計不取一錢後住吳山絕崖頭懸藥下  
與人欲去時語下人曰吾還遼萊山為汝曹下神水  
崖頭一旦有水白色流從石間來服之多愈疾立祠  
十餘處

朱璜廣陵人少病毒疫就睢山道士阮丘丘曰卿除腹  
中三尸有真人之業可度世也璜曰病愈當為君作  
客三十年不敢自還丘與藥令日服九九百日腹下  
如肝脾者數斗養數十日肥健心意日更開朗令讀  
老君黃庭經日三過能通其意遂與入浮陽山玉女  
祠且八十年復見故處白髮盡黑鬢更長三尺餘  
阮丘姓黃睢山上道士衣裘披髮耳長七寸口中無齒  
日行四百里睢山上種葱薤百餘年人不知也朱璜  
醫驗始知其神人

女丸陳市上沽酒婦也作酒常美遇仙人飲酒以素書

為質丸開視乃養性交接術遂私寫其文納諸少年  
飲美酒依法行之三十年顏色更如二十時仙人復  
來過笑謂丸曰盜道無私有翅不飛遂棄家追仙人  
去莫知所之

陵陽子明銍鄉人也一云姓竇丹陽人嘗釣魚于旋溪  
得白龍子明懼拜而放之復得白魚腹中有書教子  
明服食之法子明遂上黃山采五石脂沸水而服之  
春食朝霞夏食沆瀣三年龍來迎去止陵陽山上統

志曰子明二女化青鳧隨  
去旌德縣有鳧山即其地

邗子蜀人也好放犬子時有犬走入山穴邗子深追之  
見有臺殿宮室侍衛甚嚴故婦主洗魚與邗子符一  
函并藥使還與成都令橋君橋君發函有魚子著池  
中養之一年皆為龍形後送符還山犬色更赤有長  
翰常隨邗子往來百餘年遂留止山上時下護其宗  
族蜀人立祠穴口常有鼓吹傳呼聲

木羽鉅鹿南和平鄉人母貧賤主助產嘗探產婦兒生  
便開目視母大笑其母大怖夜夢見大冠素幘者守  
兒言此司命君也當報汝恩使汝子木羽得仙母陰

識之後生兒字為木羽所探兒生年十五夜有車馬  
來迎過母家呼木羽為御遂俱去後二十餘年鴉雀  
每旦啣二三魚著母戶上母匿不食而賣其魚三十  
年皆然母至百年乃終

玄俗河間人餌已豆賣藥都市七九一錢治百病河間  
王病瘕賣買藥服之下蛇十餘頭問藥意俗曰王瘕  
乃上世餘殃下墮非王所自招也王嘗放乳鹿乃麟  
母仁心感天故得遇俗耳王家老舍人自言父世見  
俗俗形無影王乃呼俗日中看實無影欲以女妻之

俗夜亡去後人見於常山下

三茅君茅濛玄孫長曰盈恬心玄漠遇王君得道漢初  
平中入句曲山為太元真君弟固威武太守袁上郡  
太守聞兄盈得道皆棄官從學俱成地仙固為定籙  
真君袁為保命真君

梅福壽春人仕為南昌尉成帝委任王鳳福上書極諫  
不用自嘆曰生為我酷身為我梏形為我辱妻為我  
毒遂棄妻子而去遊於會稽變姓名為吳市門卒後  
不知所終人稱為梅仙宋元豐間封壽春真人

南陽公主漢元帝女下嬪王咸綏和間王莽秉政謂咸曰國危世亂但當退而修身咸不能從公主遂結廬華山歲餘精思丹道乘雲氣冉冉而去咸追之升層嶺漠然無迹忽于嶺上見遺朱履一隻取之已化為石後人名其峯曰公主峯

唐公昉固始人王莽居攝二年公昉為郡吏忽遇真人授以藥板宅仙去或云李八百居山中公昉師事之公昉八百以杖指崖間有泉湧出後人名曰寒泉山莊君平蜀人夷堅志曰福有道人嘗見老叟同室歲餘

告之曰吾乃漢莊君平也取一書授之天明叟去不歸視其書皆修身度世之說莊君平即嚴君平漢人避諱故易莊為嚴君平

後漢

史通平光武時自會稽來蜀詣我眉山出謁天皇真人授以三一之法及五符訣遂居青神縣地置茅爐煉火丹龍虎成形餌之又廣行陰德功滿白日昇天王喬河東人為葉令每朔望自縣詣朝明帝恠之密令太史伺望言其臨至輒有雙鳧從西南來乃令舉羅

得雙鷄詔尚方驗視則所賜尚書官屬履也後天降  
玉棺喬沐浴寢其中葬城東南土自成墳百姓廟祀

之王喬有三一周靈王太子晉名王喬一蜀仙王喬  
食肉芝食盡見桃實食之身輕而成仙者也一葉

令王  
喬云

劉晨阮肇漢永平中二人入天台山採藥行數里至溪  
許遇二女容貌妙絕迎歸食以胡麻飯山羊脯日暮  
行夫婦之禮住半年天氣和適當如二三月百鳥哀  
鳴求歸甚切女曰罪根未滅使君等如此喚諸仙女  
共作歌吹送劉阮出洞口還鄉驗得七代子孫傳聞

上祖入山不出二公欲還女家則無路至太康八年  
夫二公所在

張道陵字輔漢豐邑人留侯八世孫學長生之術徧遊  
名山東抵興安雲錦溪升高而望曰是有異境遂泝  
流之雲錦洞有仙巖焉煉丹其中丹成餌之時年六  
十容貌若少後入蜀居鶴鳴山老君授以秘錄遂領  
弟子趙升王長米雲臺巖復煉火丹服之永壽二年  
自以功成道著乃於半巖躍入石壁中自崖巔而出  
因成二洞崖半曰峻仙洞崖上曰平仙洞是年遂將

諸品秘錄斬蛇二劍玉冊玉印授其長子衡與夫人  
雍氏登雲臺峯白日昇天時年一百二十三歲其四

世孫曰盛復居龍虎山歷代重之子孫世襲真人王長

號左玄真人

趙升就張道陵學道道陵已七試之矣最後與諸弟子  
登雲臺上絕巖上有大桃下臨不測陵曰得此桃者  
告之以道升從上自擲正投桃樹取桃滿懷而石壁  
峻峭不得上陵乃引手接之忽躍而上遂告以道成  
仙今號右玄真人

蘇耽邠人事母以孝聞嘗遇異人授神仙術母思鮓即  
市鮓以獻問所從來曰便縣母始異之一日忽洒掃  
庭除曰仙道已成上帝來召母曰汝仙去吾誰養乃  
留一櫃曰所需即有又云明年大疫取庭前井水橘  
葉救之耽仙去已而果疫母日活百餘人後有白鶴  
止郡城東北樓人或彈之鶴以爪攫樓板似漆書云  
城郭是人民非三百甲子一來歸吾是蘇公彈吾何  
為宋元符中賜號冲素真人

屈處靜祁陽人楚白公後幼而悟道絕迹人表凡十二

年一旦駕鶴而去

永州有白鶴山

周義山字季道汝陰人丞相勃之後年十六常以平旦日出時東向嗽咽服氣百數是歲陳留饑荒殍散家財以賑之有黃泰者元鳳中寓陳留著敗衣賣芒履義山見之曰聞仙經云仙人目方面光密竒之泰一日謂義山曰君好道陰德流行是以相詣我中岳仙人蘇子玄也義山再拜膝行而前請乞竒要遂授以長生之道後義山為紫陽真人白日昇天董仲先千乘人永之子其母乃天之織女故仲生而靈

異數篆符鎮邪恠嘗遊京山潼泉以地多毒蛇書符鎮之其害遂息今有篆石在安陸州京山之陰真武淨樂國王太子生而神靈察微知遠長而雄猛惟務修行志除邪魔遇紫虛元君授以道秘遂越東海遊覽又遇天神授以寶劍入武當山修煉居四十二年功成白日飛昇奉上帝命往鎮北方披髮跣足躡離坎真精建皂纛玄旗統攝玄武之位神威赫然歷代顯著本號玄武宋避諱真武武當山北有磨針澗者云真武修煉久之未契玄元亟欲出山忽遇老嫗

經文廣通卷之百五  
拾鐵杵磨石上問何為曰為針耳曰不亦難乎嫗曰  
功到自成真武大悟即返巖精修其地有榔梅相傳  
真武折梅枝寄榔樹之上誓曰吾道若成花開果結  
後竟如言今樹尚存號榔梅

矯慎字仲彥扶風茂陵人少慕松喬導引術隱遁山谷  
與馬融蘇童鄉里並時而二人絕不及也汝南吳蒼  
貽書勸之仕不答年七十餘竟不娶後忽歸家自言  
死日及期果卒後人有見慎于燉煌者人稱為神仙  
王方平東海人一名遠舉孝廉歷官中散大夫後棄官

入山修道桓帝時連徵不出俾郡國逼載至京閉口  
不語因題四百餘字於宮門皆言方來事削去復見  
後還鄉居太守陳耽家四十餘年舉家無恙一日忽  
語耽曰吾運期將去耽知其化具棺衾殮之忽失其  
尸衣冠不動若蟬蛻者

麻姑王方平妹桓帝時修道於牟州東南姑余山方平  
過吳門蔡經家遣人與麻姑相聞有頃而至經舉家  
見之是好女子指似鳥爪頂中有髻衣有文章而非  
錦繡蔡經見其指爪心中念背癢時可以此搔方平

即知鞭經曰麻姑神人何敢如是坐定各進行厨香  
 氣達于内外擗麟脯行酒麻姑曰接待以來東海三  
 為桑田蓬萊水又淺矣方平笑曰聖人皆言海中行  
 復揚塵經母妻見麻姑以米擲地皆成真珠宴畢昇  
 天而去麻姑山在寧國府東姑嘗修道於此丹灶尚存又嘗居建昌山故亦號麻姑開元中立  
廟壇側累封虛寂冲應真人夷堅志曰劉氏鯉堂前有  
 大槐忽夢一女官自稱麻姑乞此樹修廟劉漫許  
 之既寤異其事後數日風雨大作失槐所在即詣麻  
 姑廟視槐已卧其前重和中賜額曰顯異又按此  
 麻姑乃  
 西人也

馬明生臨淄人姓和字君實少為賊傷殆死忽遇一女

子云太真夫人也與藥一丸服訖即愈乃自號馬明  
 生隨夫人入岱山石室試以鬼恠狼虎不懼挑以美  
 女不動夫人曰可教有安期生至夫人以明生付之  
 以詩留別而去後得安期生丹經神方入華陰山修  
 煉漢靈帝時太傅胡廣試以國事皆驗遂餌金丹白  
 日昇舉

陰長生漢和帝后之曾祖不好榮位潜居隱身專務道  
 術聞馬明生者得度世法乃求見於太和山中執役  
 二十年不懈乃偕入青城山以太清金液神丹授之

續文獻通考 卷之三百五  
丹成著書九篇白日昇舉

魏伯陽東漢上虞人好道不仕入山煉丹丹成上昇作  
叅同契五行相類等書始伯陽丹成與犬犬死伯陽  
服之亦死弟子服之亦死伯陽即起再以丹納犬及  
弟子口中皆起仙去有二弟子不服者始悔其叅同  
契者謂修丹與造化同途故托象象而論今行于世  
鮑靚陳留人仕漢為南海太守嘗遇陰長生授道訣一  
日行部入海遇風饑甚取白石煮食之又與葛洪善  
以女妻洪靚還丹陽卒葬石子岡後蘇峻之亂盜發

其棺無屍惟大刀一柄盜欲取之間左右兵馬聲刀  
亦有聲如雷乃止東海徐寧嘗師之夜聞琴聲甚妙  
問焉曰稽叔夜寧曰稽畢命東市何得在此曰叔夜  
雖刑終而實尸解

樂巴蜀人漢帝召為尚書正朝大會巴獨後到頗有醉  
色帝賜酒不飲望東南嘆之有司奏巴大不敬詔問  
巴巴曰臣鄉里以臣能治鬼護病為立廟今旦耆老  
皆入廟致享是以來遲臣本縣成都失火臣嘆酒為  
雨以滅火災詔原罪即遣使往驗其言答云正旦失

火食時有大雨從西北來乃息雨皆酒氣後一旦大風天霧暗失巴所在尋問之具云還成都與親戚別去而昇天矣

上成公東漢密縣人出行久不返後歸語其家曰我已得仙因辭家去家人見其舉步稍高良久乃沒陳寔韓韶同見

李根許昌人有趙買者聞其祖父言已見根比買時年八十四而年少自若有得根素書讀之其自記云以漢元封中學道於某申計之已七百餘歲矣

蕭慕漢末修道太平山延壽宮善吹簫能致鳳鸞翔集號碧霄真人道成白日昇舉

薊子訓不知何所人東漢時至洛陽有神異公卿以下候之者恒數百人皆為設酒脯終日不匱後因遁去有人于長安東霸城見與一老公共摩娑一銅人相謂曰適見鑄此已近五百歲矣

白孔帖薊蒯作蒯

費長房汝南人為市吏有老翁賣藥懸一壺于肆市罷輒跳入壺中長房於樓上獨見之因候出再拜奉酒脯翁乃與俱入壺中華麗非凡境乃使處深山群虎

中長房不恐又使臥空室以朽壺索懸石於上衆蛇  
嚙索且斷長房亦不移最後使食糞有三虫臭穢長  
房意惡之翁曰子幾得道恨於此不成遂與一竹杖  
曰騎此而出又與一符曰以此主地上鬼神長房到  
家以杖投葛陂中杖化龍而去由是能縮地千里聚  
在目前放之如舊又能役使鬼神後失其符為衆鬼  
所殺桓景嘗學於長房一日謂景曰九月九日汝家  
有大災可令家人作絳囊盛茱萸繫臂登高山飲菊  
花酒禍可消景如其言舉家登山夕還見牛羊鷄犬

皆死

郎宗字仲綬安丘人占知火燒大夏門後居華山服胡麻  
得道

孫博河東人讀書能屬文晚學道能使草木皆為火光  
照耀數十里行大水中身不濡人有疾指之言愈即  
愈出入山間石室如有穴者後入林慮山合神丹仙  
去

曹仙媪不知何許人嘗携幼女引一犬息馬鬪關柳下  
一日至河將渡舟師拒之媪携女與犬凌波御風須

史登岸俄又登東岸石龕遂與女及犬俱化龕中土人立廟祀焉

金甲潞城人幼聰慧佯狂遇異人授以太陰煉形之術嘗單衣跣足卧凍雪中能預知水旱災祥壽夭既卒葬百餘日一夕雷霆大作及旦視之但見塚開數寸惟留隻履櫻扇薄衾而已

麻衣仙姑汾州人姓任氏隱于石室山家人求之弗得後有人見之遂逃入石室山中有聲殷殷如雷其壁復合手迹尚存

蔡女仙襄陽人幼善刺繡忽有老父詣門請繡鳳眼畢工之日自當指點既而繡成老父指示安眠功畢俄雙鳳騰躍飛舞老父與女各乘一升天

徐登福州人漢時于永泰縣高蓋山修真得道嘗與東陽趙炳鬪仙術

又有徐從事真未詳其實

何氏九仙不知何名漢時兄弟九人居仙遊東北山中修道又居湖側煉丹丹成各乘赤鯉仙去名其湖曰九鯉湖山下遺銅杯鐵鞭後人即其地建廟九鯉湖上亦有廟每大比歲士子祈夢者屢驗

趙炳東陽人為道士以氣禁人人不能起禁虎虎伏地  
 低頭閉目便可執縛以大釘釘柱八尺許以氣吹之  
 便可躍出射去如弩箭之發異苑曰趙侯以盆盛水  
 吹氣作禁魚龍立見

事出抱朴子

解奴辜張貂者並不知其何所人皆能隱淪出入不由  
 門戶奴辜能變易物形以誑幻人又河南有麴聖卿  
 善為丹青符刻厭殺鬼神而使命之又有編育意亦  
 與鬼神交通孟節能含棗核不食可至五年十年又  
 能結氣不食身不動搖狀若死人可至百日半年

張楷性好道術能作五里霧

焦先字孝然世莫知所自或言生漢末及魏受禪嘗結  
 草為廬于河之湄獨止其中冬夏袒不着衣卧不設  
 席又無蓐以身親土其體垢汙皆如泥滓不行人間  
 或數日一食行不由邪徑目不與女子交視口未嘗  
 言雖有驚急不與人語後野火燒其廬先因露寢遭  
 冬雪大至先袒卧不移人以為死就視如故後百餘  
 歲卒

三國

李常在蜀中人少治道術百姓累世見之初有二男一女皆已嫁娶乃去二弟子隨之後各以青竹杖度其身遣歸家置杖卧床徑還其家見兒尸在床各泣而埋之百餘日有人于郫縣逢二子隨常在行附書到家各發棺視惟一青竹杖常在又娶婦前婦子往尋之常在曰吾兒欲來見我法不得見兒見母泣而別去

折象廣漢人少好黃老業師事東平先生家世豐財以為多藏必厚亡散千金以濟貧苦或諫之象曰寶子

文有言我之施物乃逃禍非避利也智者咸服焉自尅亡日尸解如蛇蛻

左慈字元放廬江人于天柱山中精思學道得石室中丹經尤明六甲能使鬼神坐致行厨變化萬端嘗投簪以畫酒杯即中斷分為兩向曹搃召見閉一室斷穀暮年出之顏色如故搃嘗宴賓曰所少者松江鱸耳慈令銅盤貯水以竿釣之即得鱸搃曰恨無蜀董慈曰易得搃恐近取即曰前使買錦可報增二十段慈曰諾須臾袖中出董後買錦者回果云是日得報

增錦搯出近郊慈携酒一升酺一斤百官皆醉飽搯  
惡其能欲殺之逃入山中羊群一老羝曰遽如許欲  
殺羝則羊皆跪曰遽如許乃盡殺羊而去而慈故無  
恙羊亦皆活

劉政有道術能以一人作千人千人作萬人又能噓水  
成雲聚壤成山刺地成淵

劉綱有道術能檄召鬼神禁制變化嘗與妻樊夫人校  
其術俱坐堂上綱作火燒碓屋從東起夫人禁之火  
即滅庭中兩株桃夫妻各咒一株使相鬪擊良久綱

綱所咒者不如數走如出籬外綱唾盤中成鯉魚夫  
人唾盤中成獺食魚綱與夫人入四明山路值虎綱  
禁虎不敢動適欲往虎即號夫人以繩繫虎牽歸繫  
於床側及將昇天綱先仕上虞令縣廳側先有大皂  
箕樹綱昇樹數丈方能飛舉夫人平坐冉冉如雲氣  
之舉同昇天而去

封衡隴西人幼學道得真訣服連黃連五十年入山採  
藥百餘年還鄉里間病者輒以腰間竹筒藥與之立  
應復駕一青牛周遊天下魏武帝召問養生大畧衡

曰減思慮節嗜慾而已所著有養氣術隱形法衛生  
經數十卷

于吉瑯琊人精苦修道忽得痼疾晨夕告天誠感老君  
令仙人授吉經曰非但愈疾當得長生吉得之疾遂  
除凡消災治病無不驗者孫策平江東將士多病吉  
啜水輒瘥天久旱縛吉暴日中即大雨策忌而殺之  
俄失其屍周旋人間又百餘年仙去

葛仙公名玄丹陽句容人嘗從吳主至溧州遇大風百  
官船沉玄獨出水上而衣不濕有數家請飲者同時

各到有欲追之者相去數丈終不能及嘗對客吐飯  
成蜂或集客身良久仙公張口蜂飛入口成飯食之  
為客設酒杯自至客前若不盡者則盃不去吳主為  
立觀方山後白日昇舉號太極仙翁

姚光吳人有仙術有吳士積薪千束焚之荻盡光安坐  
火中振衣而起

沈建丹陽人好道能醫嘗遠行寄奴婢驢羊於主人各  
與藥一粒語主人曰不煩飲食也去後主人飲食之  
皆不受三年還又各與藥飲食如故建後不知所之

介象會稽人學道得度世禁氣之術能隱形變化入山  
谷見美女曰汝食氣未盡可斷穀三年來此象如期  
往乃授以還丹術吳主聞之召至武昌試其術種菜  
菓皆立生有種忝山中若獼猴擾之戒曰吾告戒介君  
猴即去象化後人復見他所發棺視惟一符耳

吳猛濮陽人仕吳為西安令因家分寧性至孝暑月不  
驅蚊恐啗親也遇至人丁入授以神方又得秘法雲  
符道術大行嘗見暴風書符擲之風即止或問其故  
曰南湖有風道士求救驗之果然西安令于慶死已

三日猛曰數未盡乃卧于屍旁數日同起嘗渡江值  
風濤猛以白羽扇畫水而渡觀者駭異庾亮嘗求愈  
疾猛辭以自算盡求具棺服旬日而死形狀如生未  
及大殮失其尸識者知為亮不祥之兆亮果不起後  
傳道于許遜晉康寧中乘白鹿車與弟子四人昇天  
宋政和時封神烈真人

幸靈不知何所人順陽樊長賓為建昌令發百姓作官  
船于建城山中吏命人各作著一雙幸靈作而未輸  
或竊之俄而竊者心痛欲死靈謂之曰爾得毋竊吾

籍子竊者不應有頃愈甚靈曰爾若不以情告我今真死矣竊者乃自首靈于是飲之以水病即立愈行人由是敬畏之船成當下水吏以二百人引一艘不能動方請益人靈曰此已過足但部分未至耳靈請自牽之乃手執箸惟用百人而船去如流衆大敬咸稱其神

張元化葛玄弟子嘗寓汝州一日召道士周元亨戒之曰吾化後毋損吾軀既化元亨如命葬城北二里後二年汝卒戍蜀者逢元化于山峽間令持書與胡司

馬周尊師卒返投書二人開緘則元化親札謝二人葬之厚也遂率郡人發塚視之惟故履存焉宋政和時封冲妙先生

朱孺子永寧人三國時師道士王玄真居大石巖下常于溪畔見二花犬逐之入枸杞善叢下遂與玄真劇叢下得枸杞根類花犬堅如石煮之孺子先取飲之俄而飛立前峯謝玄真去玄真後亦不知所往

晉

許遜南昌人生而穎悟從吳猛得神方秘法以修煉為

事晉太康初為旌陽令尋棄官東歸遇謔母傳以道術遂斬蛇誅蛟悉除民害慮豫章為浮州蛟螭所穴乃于牙城南井鑄鐵為柱下施八索勾鎖地脉由是水妖屏息又周遊江湖諸郡殄滅毒害乃歸舊隱精修至道康寧二年一百三十六歲忽一日羽蓋龍車自天而下遜登車與其弟子家屬四十二人同時昇天鷄犬亦隨焉

王纂居馬跡山永嘉末中原大亂饑饉癘疫死者相繼纂於靜室飛章告天祈救生靈感神人告之曰子念

生民吾得以眇子矣

劉懿真晉女冠也人謂王子晉外妹至東晉時已五六百歲嘗居於南昌靜安縣棲霞觀後白日翀天而去甘戰曹城人有孝行喜神仙術往從許遜遜異其材器凡與文秘訣悉命掌之自是周遊江湖誅蛟斬蛇無不從焉及遜上昇戰歸豐城布德行惠鄉人感化陳大建初駕麟車乘雲去宋封精行真人

盱烈南昌人少孤事母孝母許氏遜長姊嘗築室宅西數十步間俾烈母子居之故日聞至道母嘗採花果

奉遜及遜飛昇母子俱從遜騰雲去宋封烈和靖真人

潘茂明潘州人晉永嘉中入山逢二道士奕立觀久之道士曰子亦識之否答曰入猶蛇竇出似鷹行道士笑可其說因語之曰子頂骨貫于生門命輪齊於日月腦血未減心影不偏若修煉則可輕舉授以銀黃精不二之法于東山採藥煉丹于西山白日上昇

王質晉信安郡樵夫也一日入山逢二童子石室中對奕質觀之童子與質一物如棗核食之不饑乃置

斧于坐而觀頃臾童子曰汝斧柯爛矣質乃歸鄉里無復同時人

抱朴子句容人姓葛名洪字稚川玄之從孫晉咸和間為散騎常侍聞交趾出丹砂求為勾漏令將子姪俱行至廣州刺史不聽去乃止於羅浮山後入蜀于武都山得雄黃色如鷄冠喜曰吾丹成矣復入洪雅之花溪存神養氣道成昇天妻鮑氏南海太守靚之女嘗與洪鬪仙術每行炙于南海唐崔煒遊開先寺有丐嫗曰吾善炙贅疣奉艾少許煒受之炙疣應手而

落始知為洪妻也

黃野人葛洪弟子洪仙去留丹于羅浮山柱石間野人  
得一粒服之遂為地行仙常在人世

王元甫沛人學道于赤城霍山服青精石飲飯吞日精  
月華之法內見五臟晉穆帝永和元年正月十五日  
乘龍白日昇天為中嶽真人

彭宗彭城人年二十服業於杜冲棲真味道精貫入神  
嘗從師採藥忽墮深谷又被蛇中曾無愠色冲乃授  
丹經五十文宗寶而修之洞暢幽漠能三晝夜為一

息或一年不動人以為死及起顏色愈鮮山中蛇虎  
見之潛伏後為太清真人

吳彩鸞猛女也得父仙道至唐太和末有書生文簫寓  
鍾陵紫極宮一日於西山遇之竟許成婚而歸鍾陵  
簫貧不自給彩鸞寫孫緬唐韻運筆如飛日得一部  
幣之獲金五緡盡則復寫如是一載稍為人知遂潛  
往新興越王山二人各跨一虎陟峯巒而去

許邁字叔玄句容人少恬澹不慕仕進嘗造郭璞筮得  
泰之夬璞教以學升遐之術遂從鮑靚探其至要晉

經文獻通考  
卷之三百一  
永和初入臨安西山登巖茹芝悠然自得更名元字  
遠遊著詩十二首論神仙事人傳羽化

黃初平晉丹溪人年十五牧羊過道士引至金華山石  
室中四十餘年其兄初起尋之不獲後過道士善卜  
因問之曰金華山中有一牧羊兒初起隨去見初平  
問羊何在曰在山東徃視之但見白石初平叱之石  
皆起成羊數萬頭初起願棄妻子學之後亦成仙初  
平號赤松子初起號魯班宋元皆有封號

秀英晉丁義君之女嘗于揚州城西七十里煉丹得道

今有丹井在焉

謝仲初萬載人修煉于閣皂山得道而歸過縣西見其  
無水拔劍刺地湧泉甘潔過江無舟以竹葉渡之後  
登謝山冉冉飛去

葉千韶晉建昌人有道術辟穀服氣常獨居忽有一白  
衣人言君道德臻備仙籍褒升當在人間役使鬼神  
其後能立致風雨驅雷電救人疾疫其應如響晉不知  
所終

黃仁覽晉時人居瑞州府城東北三十里從學許旌陽

後道成冲舉即其地為祥符觀

陶淡晉潯陽人侃之孫幼孤好導養之術年十五六便服氣絕穀家累千金僮客百數淡終日端拱曾不營問頗好易善卜筮後逃遁山中不知所之

董奉晉時居廬山有道術為人治病不取錢病重而愈者令種杏五株輕者一株數年杏成林子熟時作一第令買杏者隨器大小易以穀若穀少杏多虎輒吼逐之所得穀悉以濟貧後仙去

魏夫人晉修武令劉幼妻魏氏學仙得道飛昇于南嶽世號紫元君後人立祠于彰德祀之

麻衣子姓李名和紺髮姜姜姿入終南山遇道者遺以道秘戒之曰南陽之間湍水之陽有山靈堂巖洞其旁神開汝鄉汝則往之可以翕神功于蒼茫麻衣往求至其所居洞中十九年晉義熙間大旱居民請祈雨麻衣始以無術拒之既而有年少十二人囑許之翌日大雨諸年少來屬曰吾屬龍也上帝令輔師行化耳劉宋大明初年百有一歲坐逝

羅真人黃梅人名致福晉時修道于縣北鳳臺觀丹成

有老人采云其龍也有病願求丹療之致福賜之丹而愈後于觀北水塘洗足飛昇而去今遺飛昇臺洗足池宋賜真人號

鮑蓋東海鄆人生時祥光燭室名曰負照後更名蓋嘗為縣吏俾奉牒入京踰月不行縣方詰責則已得報章矣建興四年終於家後三十年其妻子俱夢令啓棺則顏色如生衣服潤潔已而祥雲下迎乘之上升初廟于青山唐聖歷中廟城內

文斤南昌人號超然子晉咸安中為邵州高平令嘗遇異人授以丹訣後棄官歸康寧二年仙去

黃道真武陵人晉時棄俗居高吾山修道乘白鹿仙去落魄仙姓張嘗賣藥于梓州獄吏王昌寓者取藥以歸鼠食之皆翼而飛後昌寓至瀘又遇之乃易其藥以餌之名昌寓為易玄子取馬令乘以歸馬乃龍也歸梓後以九月九日飛昇即其地為藥市

衍客晉時人遇亂隱延平北山結廬煉丹丹成舉家上昇

上官道人不知何所人辟穀煉丹于延平山一日偈云

處世紅塵五十八混世獨存今始沒時人若問吾歸處掃盡雲霞一輪月後戍兵于廣州有復見之者

麻姑後趙石勒時麻秋女其父猛悍人畏之嘗築城晝夜不止鷄鳴乃息姑賢有恤民之心假作鷄鳴群鷄效聲眾工乃止父覺欲撻之女懼而洞逃入石洞修道後於城北石橋飛昇追者不及名其洞曰仙姑洞橋曰望仙橋

麻襦不知何許人石虎時在魏縣市中乞丐恒着麻襦布裳故人以<sup>麻</sup>襦名之言語卓越狀如狂者乞得米

穀不食嘗散置大路云飼天馬趙興太守籍狀送石<sup>詰</sup>石虎虎與共語無異言惟道陛下當終一柱殿下虎不解所言還送本縣既出城謂送者曰我當有所過君至今口橋見待使人如言而馳至橋麻襦已先至後慕容雋投虎尸於漳水倚橋柱不流時人以為一柱殿下即此也及元帝嗣位江左亦以為天馬之應單道開燉煌人常衣麤褐吞細石子晝夜不卧石勒時從西來一日行七百里至秦州送至鄴佛圖澄與語不能屈也南入羅浮山後卒以尸置石室表宏為南

海太守登羅浮山至石室見道開形骸如生

馬儉扶風人博通經史符秦甘露中從孫徹學道授五符真文斷穀服水行氣導引遂役使萬靈制御群邪姚萇聞而異之往召不至給以香燭年九十八返真而雲舉

孟欽洛陽人有左慈劉根之術符堅恐其惑眾命符融誅之欽於大燕會之中化為旋風而去項之有告在城東者融遣騎追之垂及忽然已遠或有兵眾拒戰或前阻澗水不得過遂不知所在

王嘉安陽人不食五穀不衣美麗隱于終南山所言禍福皆驗符堅遣問世祚答曰未央後末年敗於淮南央者殃也人欲取其架上衣者架愈高而屋亦不大姚萇問可得天下否對曰畧得之謂萇子子畧也萇怒曰得即得何畧之有遂殺之後人復見於隴上

宋

孫遊巖東陽人潛神希微太初中遇簡寂先生授以三洞經法其後茹芝却粒顏色精爽久而愈少齊永明中詔主興世館後安坐羽化門弟子數百人惟陶弘

景為入室

鄧去奢龍游崇仙宮道士劉宋初隱于處之卯山一夕有人謂曰石下有天師佩劍去奢修煉三年果得之乃得道仙去

梁

白鶴道人不知其姓氏武帝時方士也愛舒州潛山奇絕而浮圖寶誌亦欲之武帝命二人各以物識其地得者居之道士以鶴止處為記寶誌以卓錫處為記已而鶴先飛至忽聞空中錫飛聲遂卓于山麓而

鶴止他處乃各以所識築室

李順興杜陵人年十五作愚作智言未來事多中常道冠道士冠好飲酒蕭寶寅反召問曰朕王可幾年對曰為天子有百年者有百日者及寶寅敗終百日其黨乃棒殺順興置城隍中頃之起活如初又嘗臥太傅梁覽家以衣倒覆身上及覽通使東魏事覺被詠以衣倒覆又嘗乞驪山下廢地于周文周文曰何用曰有用未幾至温湯遇患卒于其地

陶弘景丹陽人年十歲得葛洪神仙傳晝夜研尋便有

養生之志未弱冠齊高帝作相引為諸王侍讀除奉  
朝請雖在朱門閉影不交外物永明十年上表辭祿  
詔許之于是止於句容之句曲山恒曰此山下是第  
八洞宮名金壇華陽之天乃中山立館自號華陽隱  
居始從東陽孫遊巖受符圖經法徧歷名山尋訪仙  
藥每經澗谷必坐卧其間吟詠盤桓不能已己天監  
十四年移居積金東澗善辟穀導引之法年逾八十  
而有壯容深慕張良之為人云古賢莫比魯夢佛授  
其菩提記名為勝力菩薩乃詣鄧縣阿育王塔自誓

受五大戒大同二年卒年八十五顏色不變屈伸如  
常

陸法和江陵人南梁時隱于百里洲有道術能先知禍  
福侯景之亂遣杜豹擊湘東王于江陵法和率蠻兵  
敗豹擒之封江東縣公慮梁室日衰嘗大聚兵艦欲  
襲襄陽元帝使止之法和乃還州墜其城門麻衣蓑  
坐已而梁兵果敗滅

元魏

寇謙之昌平人少遇仙人成公興與之遊嵩華食仙桃

不復饑遂隱嵩陽興將出謂謙之曰有人持藥來但  
食之莫恠尋有人將藥而至皆毒虫臭惡物謙之大  
懼出走興還語以故興嘆曰先生未使得仙止可為  
帝師耳元魏恭武帝召至闕禮遇甚厚一日謂弟子  
曰昨夢公興召我于中嶽仙宮遂羽化有青氣如烟  
從口中出天半乃消其體漸縮識者謂尸解後東都  
沈猷見謙之在嵩山身作銀色光明如日始知其為  
仙矣

成公興不知何許人初為謙之從母家傭謙之覲其姨  
見興形貌甚彊因將還謙之嘗算周髀不合隨興語  
布之俄然便決謙之因請師事之興固辭反求謙之  
為弟子事謙之七年而卒先是有京兆灊城人王胡  
兒其叔父亡頗有靈異曾將胡兒至嵩別嶺同行觀  
望見金室玉堂有一館尤珍異空而無人題曰成公  
興之館胡兒恠而問之其叔父曰此是仙人成公興  
之館之館坐失火燒七間屋被謫為寇謙之弟子七年始知  
興乃仙者謫滿而去

王道翼東萊人少有絕俗之志隱韓信山四十餘年斷

粟食麥通達經章善書符籙獻文間青州刺史韓頽  
名之翼乃赴都令增給衣食終身

周韋節京兆杜陵人後魏時棄官謁趙法師入華山因  
號華陽子餌黃精撰三洞儀序老子易論周武帝賜  
號精思法師有白鶴臨壇天和四年忽彩雲如蓋覆  
其廬上節曰吾當乘此而去遂化昇

隋

徐則東海郟人幼沉靜寡欲受業于周弘正精于議論  
懷棲隱之搢隋時入緡雲山常服巾褐又入天台山

絕穀養性所食惟松朮而已後尸解

岑道願江陵人隋初避難泝三峽至萬州江南山巖下  
修煉食黃精百餘歲脫迹而去唐貞觀十八年以香  
屬商人令往故巖下燃之商人不往且歸波濤震怒  
不可止乃返詣巖燃香遂平行無虞

劉珍廣漢什邡人開皇中居安東山忽取所齋道經鐘  
磬封于石室中日後六十年當有聖君取之且曰吾  
功行已成四月之望吾當升天自以<sup>火</sup>化是日珍見隋  
文帝帝遣使至中山訪其事令建三觀唐高宗遣使

取丹經鐘磬以進宋治平中賜額延真

潜翁開皇中煉形于漳州石壁山養白蝦蟆自隨後不

知所終

李鐵拐或云隋時峽人名洪水小字拐兒又名鐵拐常

行丐于市人皆賤之後以鐵杖擲空化為龍乘龍而去

一說李本偉丈夫常遇老君得道後出神往朝老君

與其徒約以七日不返焚其尸後六日其徒<sup>徒</sup>以母疾

遽焚而去李還附一丐者尸起故足跛而貌更醜惡

續文獻通考卷之二百四十一終

續文獻通考卷之二百四十二卷

皇明進士雲間王圻纂輯

仙釋考 道家姓氏中

唐

王知遠系出瑯琊母夢鳳集其身有孕幼聰悟通書傳

得陶弘景術為道士陳後主隋煬帝嘗執弟子禮太

宗時詔即茅山為觀久之忽謂弟子曰吾今署少室

仙伯將行即沐浴衣冠苦寢而卒壽一百二十六歲

遺命子紹業曰爾年六十五見天子七十見女君調

露中紹業奏其言高宗追贈大中大夫謚升真先生  
武后又贈金紫光祿大夫改謚升玄

魏隆貞觀中召至京太宗悅之屢垂清問後居潤之仁  
靜觀卒葬于鳥跡山

薛頤滑州人隋時為道士武德初直秦王府密語曰德  
星舍秦分王當帝天下王表為太史令太宗時固丐  
為道士帝為築觀九夢山號曰紫府拜頤為大中大  
夫往居之即祠建清臺候辰次災祥以聞所上與太  
史李淳風合數歲卒

于雲中擲下鞞衫腰帶拍板冉冉而去其鞞衫等旋  
亦亡矣

石坦渤海人遊趙魏諸名山遇異人得道能分身同時  
詣十餘家已而各家皆云坦於某時到所言各異後  
不知所往

聶師道歙縣人少學道得服松脂法乃登績溪百丈山  
採芝後詣南嶽招山觀聞蔡真人舊隱去洞靈源不  
遠乃辟穀七日獨往遇父老問所從來因折草與之  
師道咀之味甘自是精健每入山虎豹見之皆馴伏

先生一日謂其徒曰我為仙官所召語訖而逝及殮棺有聲視之若蟬蛻然後有自豫章來者見之於道今歙縣有興道院遺跡

崔自然巢縣人少好道服松脂後隱于城南洞中辟穀修煉冬雪大寒澡浴溪中每入山虎豹馴服一日語其徒以仙官來召遂逝有人亦見於豫章道今石床藥鼎見存其所寓謂之在仙洞

驪山老母唐李<sup>號</sup>道觀子居少室山好神仙之道至嵩山虎口巖得黃帝陰符經其本爛敗筌抄讀數十通

徐道士唐末居青溪縣天樂觀年八十餘夢大羅天賜詩因白衆解云

問丘方遠其先齊人幼辯慧學于廬山道士陳玄悟又傳法錄于天台葉藏質尤好儒學詮太平經為十三篇唐昭宗累召不起景福中始居餘杭大滌洞吳越王錢氏厚加禮遇奏請賜紫又奏號洞玄先生重建太極宮居之一曰八齋中作控鶴坐怡然而遊有異香滿室後有見於仙都山者

藍采和不知何所人唐末嘗衣破藍衫六銜黑木腰帶

澗三寸餘一脚着靴一脚跣足夏則衫內加絮冬則雪中氣出如蒸每行歌城市乞索持大拍板長三尺餘老少皆隨看之歌曰踏踏歌藍采和人生能幾何紅顏三春樹流年一擲梭古人混混去不返今人紛紛來更更多朝騎龍鳳遊碧落暮看桑田生白波長景凝輝在烟際金銀宮闕高差幾辭多率爾而作皆神仙意人莫之測但以錢與之繩穿拖行失亦不顧或見貧人則與之人有白幼至老見之顏色如故後踏歌濠梁于酒樓上乘醉有雲鶴笙簫聲忽然輕舉

十二年或落托成都市中常於江濱取白石投水驗其浮沉衆莫測後賣丹於市價十二萬刺史召問其價更增十倍惡其惑衆命縛之沉于江二漁人得之釋其縛二漁人曰我白石江人洞曰師謂吾遇三都白石浮水乃仙去殆此地耶二漁人投以丹三人白日昇天而去宋張商英為作傳

廖師郴州人懿宗召入道術有驗後乞歸山韓愈嘗送以文後于靖福山白日昇天

應靖不知何所人僖宗時為登封令棄官學道隱其姓

故世稱靖長官宋元祐中劉几過於嵩山眼光如炬  
劉贖瞻宰相贍之兄好仙術有道士至其門曰能相師乎  
曰諾乃隨入羅浮山後四十年贍被逐至潮臺泊舟  
有少年冒雨而來乃贍也云已列仙矣悲喜不勝一  
夕不見

馬大仙青田縣馬氏女唐光化間既嫁家貧養姑尤謹  
遇異人授以仙術往來傭織去家百里食以羹不食  
即以箬笠而還家薦於姑頃之復還人始知其不凡  
呼為馬大仙青田縣有廟

翁自海陵來見之曰子妖氣邪光決徧肌膚苟不相  
值殞命旦夕矣吾有鮑南海丸可佩之張佩歸數百  
步張之妾望見長號一聲震然而斃因共視之木偶  
人也心下至足肌肉如人心上至頂猶木偶之狀乃  
棄之江中又以丹砂如黍三粒命張吞之旬月間憊  
疾頓瘳仙翁後上昇而去

杜光庭縉雲人咸通中進取不利入天台山學道應制  
為道門領袖僖宗時從幸興元後隱青城山號登瀛  
子王建封為廣成先生卒年八十五人以為尸解有

文集百卷

劉德本鄂州人好古多能往來大江商販乾符中大饑散米數萬石活飢民黃巢亂避地五老峯下一日有鹿裘道者來訪因把臂入深澗忽見老人曰可同到後院丹壁煥曜老人曰此泳真洞天也以汝行善故許到此遂不見道者曰爾籍名仙錄相別而去德本後徧遊名山一日彩雲環遶白日飛昇人呼劉仙翁云

爾朱洞少遇異人得道懿僖間抵蓬州客安漢館張氏

士不第遊廬山遇大龍真人授天遁劍法又於長安酒肆遇鍾離權十試而授以金丹大道遂成仙時遊湘潭岳鄂及兩浙江淮間出入隱顯人莫之識間亦微示其姓如兩甕兩甌口口相授回心回道入守谷客無心昌老無上宮主皆去後人始悟為呂仙也以四月生號純陽真人

潘老人不知其名元和中嘗因風雨求宿于嵩山少林寺二更後僧人忽起見火明乃老人屋內設茵褥翠幕陳列布饌飲噉自若衆伺之至五更老人睡起取

一胡盧大如拳將床席帳幕器用悉納其中置懷內而去

侯道華芮城人或云自峨嵋山來詣中條道靖觀事周悟仙悟如風狂人登危歷險如履平地又好子史手不釋卷因殿宇壞登梁葦之得小金合中有丹吞之後上松樹巔與雲鶴盤旋凌空去時宣宗大中年也毛仙翁名于磐字鴻漸不知其甲子常如三十許人周遊湖潁間嘗以丹石攻疾大中戊寅歲進士張為遊長安一旦有青衣來奔納之寢成羸疾骨立待時毛

其雪愈方悟花中詩意乃為八句足成之湘子作別公詩云才為世用古來多如子雄文世孰過好待功名成就日却收身去臥烟蘿公別湘詩云舉世多為名利醉伊予獨向道中醒他時定是飛昇去衝破秋空一點青公慮處瘴毒難以生還湘子出藥與之曰服一粒可禦瘴氣且告公不唯舉家無恙還當復用于朝後皆如所說

軒轅集羅浮山道士武宗嘗召入殿庭問長生術集對以屏欲崇道自然受天遐福乃復還山

劉元靜武昌人為道士師王道宗道宗仙去元靜感悟  
遂入南嶽鑿石穴以居絕粒煉氣敬宗召入思政院  
問長生術尋放歸山武宗復召入禁中受法籙賜號  
廣成先生還山宗宣宗時忽聞天樂浮空而去惟杖  
履存焉

呂嵒字洞賓蒲州永樂縣人貞元一曰天寶十四年四月十  
四日巳時生生時異香滿室天樂浮空有白鶴飛入  
帳中忽不見生而形貌異常資性敏悟馬祖稱為神  
仙中人他時遇廬則居遇鐘則扣後會昌中兩舉進

施肩吾分水人元和中舉進士退隱洪州西山終身不  
仕後遇旌陽授以丹方仙去所著文集十卷

李珣廣陵人以販糴為業每斗惟求利兩文以養父母  
有糴與糴即授以升斗令自量丞相李珣節制淮南  
夢入洞府見石壁填書姓內有李珣字方自喜有二  
仙童曰此乃江陽部民李珣耳卒年百餘歲

吳善經縉雲人權德輿集有故太清宮三洞法師吳先  
生碑銘曰先生族系于東吳築室于仙都演道于明  
庭棲神于太清隱機于開元歸根于靈仙其來適然

其去寥然

王希夷徐州人隱嵩山師黃頤養生嘗餌松柏葉雜華  
年七十餘筋力柔強

韓湘子字清夫愈之姪愈教以習經術應舉對曰姪所  
習與叔異問所習何事曰解造逡巡酒能開頃刻花  
愈令試之湘子乃取一盆實以土湏臾出牡丹花一  
朶紅艷異常花瓣中有金字詩一聯曰雲橫秦嶺家  
何在雪擁藍關馬不前愈問此何意曰久自知之後  
愈貶潮州過藍關大雪不能進而湘子忽至為掃除

留之不可約十八年再見後洞源往潤州之茅山伯  
庭忽至洞源曰吾將蹈滄海次日亦化溫造為記其  
事于桃源宮一云伯庭幼時因戲躍入井中後自大  
酉華妙洞中出依善卷祠修道功成止桃源宮久之  
昇仙而去

桑道茂者失其系望善太乙遁甲術乾元初嘗卜相州  
九節度之敗後召待詔翰林建中初請大城奉天朱  
泚之亂得以免後詣李晟預求判免死狀且以已縑  
願易晟衫為信後果汙朱此偽官晟平賊執道茂將

刑出衫及書以示晟乃免之其餘決人壽夭禍福甚衆。

俞靈瓚河間人入衡山九真觀修道十餘年南嶽帝君授以回風術行之二十年能坐見天下事如在掌中然自晦不為異以驚俗憲宗元和中林州官吏見其談說始驚異之即曰我偶然耳非有知也遂閉關不出後入九疑山絕粒

商棲霞歷陽人大曆中居于白石山下彭仙洞善吐納之術絕粒三十年

洞微先生

申泰芝洛陽人其母夢吞芝而孕故名與玄宗同誕日嘗遊南嶽遇異人授金丹術後居余湖山修煉玄宗夜夢湖南有白雲居士因召至京師言論契合賜號大國師住京師玄真觀歷著顯異白晝冲舉宋封玄妙靈修真人

蔡如金泉州人天寶中為太原守棄官歸居清源洞修真煉法敕賜靈應先生

丁公著不知何所人三歲喪母七歲見鄰嫗抱子哀感

不感<sup>肯</sup>食請於父緒願絕粒學老子道父聽之

薛昌蘄都人為道士天寶中棲止于蜀之青城洞天觀

忽得商陸酒飲之耳鼻血流死經三日履然而蘇身

輕目明勢欲輕舉遠近節度使延至賓館欲送至京

師忽失所在

陶八八肅宗時道士嘗以丹授顏真卿後為李希烈所

害此尸解中名曰劍解

黃洞源武陵人大歷間學道于桃源宮辰州瞿伯庭走

武陵師事之尋遇一老尊遂辭洞源曰歸山去洞源

術不得怒而殺之使者自蜀還以當歸為寄曰於此

候駕明皇疑之發塚啓棺止存一履移塋衛地後幸

蜀方悟當歸之義

許碯自稱高陽人少為進士累舉不第後得道于峨嵋

山嘗遊江淮間吟曰閨苑花前是醉鄉拈翻王母九霄

觴群仙拍手嫌輕脫謫向人間作酒狂

王旻居洛陽青羅山鄉里見之已數百歲開元中召至

京待以優禮復遣從李元靖求補仙書還請歸舊山

不復入城嘗與達奚侍郎往返死後猶杖履詣達奚

人始知其尸解云

僕僕先生居汝南黃土山嘗餌杏丹乘雲往來刺史李光休以為妖叱左右執之龍虎見於其側先生乘之而去天寶初因以仙居名縣今為羅山縣

哲法師太原人母曹氏夢日光滿室有娠及生有過人才名重當時武后臨朝屢不起開元間示化于福壽寺

王虛貞東明觀道士以符籙得見玄宗宋帝頗重之俾為道門威儀翰林供奉賜紫令監領諸道士及卒贈

聲而發拜官不受還山絕粒服氣洪州大疫有狂道士市藥病者立愈玄宗聞之意必氲果然三召不至天寶末忽大霧尸解乾元中詔立應聖宮奉肅宗以氲配焉

張志和湖州人號玄真子嘗歌漁父辭曰青箬笠綠簑衣斜風細雨不須歸後于刺史顏真卿坐上雲鶴翔集飛昇而去

黃華姑臨川人姓黃名令微修道于井山年八十餘顏如處子時人號黃華姑開元中尸解刺史顏真卿撰

仙碑載其事

趙雲容開元時內人嘗問閻申元之乞延生藥元之與絳雪丹一粒曰服此雖死不壞百年復生至元和末果再生

鄧紫陽臨川人名思瓘隱麻姑山中開元末感虎駕雷車之異奄忽而化靈昌太守李邕作碑記其事

羅公遠衛輝府人

一云鄂人

善于隱形明皇秋宴取杖向空

擲之為大橋與遊月宮仙女數百素練寬衣舞霓裳羽衣曲帝密記其調遂回顧其橋隨步而沒後求其

葉法善括蒼人世為道士嘗遊白馬山石室遇二仙人授以正一三五之法能厭劾鬼妖嘗在東都凌空祠為壇以祭都人悉往觀有數十人自奔火中眾大驚救而免法善笑曰此為魅所憑吾以法攝之耳問而果信病亦皆已高宗召詣京師欲寵以官不拜睿宗時拜鴻臚卿封越國公玄宗嘗問四方元夕何處極麗法善曰無踰廣陵俄而虹橋起於殿前步而上太子及高力士等從俄頃到廣陵見陳設之盛燈火之光皆仰望曰仙人見於五色雲中帝大悅勅伶官奏

霓裳羽衣一曲數日廣陵果奏其事開元八年卒年  
一百七歲贈越州都督未一年棺開尸化

王遠知台州人善易知人死生禍福作易總十五卷世  
秘其本一日曝書于庭忽卧內雷殷殷然赤電繞室  
一老人下叱遠知怒曰所洩者書何在上帝令吾追  
取項曰上帝勅下汝仙品已及壽期二十四年遠知  
拜命

張氲晉州人號洪崖子隱姑射洞中仙書秘典無所不  
通開元中玄宗召問曰先生善長嘯可得聞乎即應

皆驗又謂盧齊卿曰後五十年位方伯吾孫為屬吏  
時思邈之孫溥尚未生及溥為蕭丞而齊卿為徐州  
刺史天寶初思邈導行雲至庭墀求賜武都雄黃勅  
遣中使往賜至中山不知其棲隱因置之巖上炷香  
宣詔俄見其形謂使者曰但留雄黃自取之石上有  
朱書謝表旋錄旋沒今峨嵋縣有呼應臺

張果隱中條山往來汾晉間夏居丘積山冬居鸞鷲山  
得長生秘術武后遣使召之即死後人復見恒山中  
玄宗遣中舍李嶠賈璽書邀迎乃至舍集賢院肩輿

入宮嘗取董以飲果三進頽然曰非佳酒也乃寢頃  
視齒焦縮顧左右取鐵如意擊之墮藏帶中更出藥  
傳其斷良久齒已生粲然駢潔帝益神之帝親問治  
道神仙事欲以玉真公主降之固辭還山號通玄先  
生果在趙州嘗騎白驢休則疊之如紙置巾箱中乘  
則以水啜之復成驢矣嘗過安濟橋驢迹尚存卒時  
或言尸解帝為立棲霞觀于其所

邊洞玄棗疆人自幼於紫雲觀出家修行後得道白日

上升玄宗御製詞褒揚之碑刻尚存

何仙姑廣州增城縣何泰之女唐武后時住雲母溪年  
十四五一夕夢神人教食雲母粉可得輕身不死因  
餌之誓不嫁嘗往來山頂其行如飛每朝去暮則持  
山果歸遺其母後遂辟穀言語異常武后遣使召至闕  
中路失之中宗景龍中白日升仙玄宗天寶九載都  
虛觀會鄉人徐有五色雲起于麻姑壇眾皆見之有  
仙子縹緲而出道士蔡天一識其為何仙姑代宗大  
曆中又見身于小石樓廣州刺史高翬具上其事于

朝一云何仙姑零陵市道女生而頂有六毛所居地  
產雲母有異人教餌之年十三入山採茶迷歸路

遇呂洞賓食以桃指示歸路景龍中仙去按呂洞賓  
貞元中生則仙姑在洞賓之先所傳多誤

宋類苑曰潭州夏鈞嘗過永州問何曰世多言呂先  
生今安在何笑曰今日在潭州興化寺設齋鈞到潭  
日取寺中齋歷視之其日有華州回客設供

孫思邈京兆華源人周獨孤信稱為聖童隋文帝以國  
子博士召不拜密語人曰後五十年有聖人出吾且  
輔之太宗初召詣京師欲官之亦不就嘗言心欲小  
膽欲大行欲方智欲員永寧初卒年百有餘歲孫處  
約以諸子見思邈曰俊先顯侑晚貴佺禍在執兵後

其徒曰黃庭經云泥丸丸<sup>九</sup>真皆有房方員一寸處此  
中又云左神公子發神語其先生乎有弟子七十餘  
人先期告終忽若蟬蛻弟子歛空衣葬之時年八十  
有九詔贈銀青光祿大夫謚貞一先生

蘭冲虛涪州人唐時居精思觀神龍乙巳秋乘雲上升  
楊昭慶景龍中自京兆來志尚清虛巡遊二十四化至  
北平化嘆曰昔漢時史先生得貞一之道修之已白  
日升天後無繼者乎遂住青神縣遊仙觀三十餘年  
感五嶽丈人希受真君降下授以朱明龍文得尸解

之道

許宣平歙縣人景龍中隱于城陽山南塢絕粒不食顏如四十許人行及奔馬時負薪賣于市嘗獨吟曰負薪朝出賣沽酒日西歸借問家何處穿雲入翠微李白入山尋之不見乃題其庵以歸是冬庵為火所焚遂不見後百餘年至咸通七年有採薪者見之南山

石上

魯妙典九疑山女冠也有麓林道士授大洞黃庭經入九疑山十年白日升天

明崇儼洛州人少隨父令安喜吏有能召鬼神者崇儼盡得其術以奇技自名高宗召見甚悅試為窟室使宮人奏樂其中召崇儼問何祥即為我止之崇儼書桃禾為二符置室上樂即止曰向見恠龍怖而止盛夏帝思雪坐頃取雪以進自云往陰山得之四月帝憶瓜崇儼索百錢須臾以瓜獻曰得之緹氏老人圃中帝召老人問故曰埋一瓜失之得百錢

尚獻甫衛州汲人武后召見由道士擢渾儀監令長安二年熒惑犯五諸侯獻甫自言當死武后為遷水衡

都尉以厭之已而竟卒

司馬承禎字子微洛州温人事潘師正傳辟穀導引之  
術隐居桐柏山構層軒于壇上號白雲子又嘗煉丹  
于台州内方山後人名其村曰馬仙村則天時屢召  
不起睿宗延問治國治身之術答語稱旨欲加寵位  
固辭而歸後開元中文靖天師與承禎赴長生殿千  
秋節齊直中夜行道畢隔雲屏各就枕斯須忽聞小  
兒誦經聲玲玲如金玉如天師窺之見承禎額上有小  
口如錢光曜一席逼而聽之乃胸中聲也天師還語

相嶢咧可學長生遂避迹五老山學少虛絕粒貞觀  
中忽一日謂人曰我歸明日大會士庶萬人俄雷震  
地下青龍躍出通微遂跨而登仙

謝自然蜀人貞觀中女冠也嘗泛海將詣蓬萊見道人  
指言天台山司馬子微名在丹臺身居赤城真良師  
也自然乃回師子微得道術後於金泉山白日上昇  
是夕郡郭有虹霓雲氣之狀萬目共睹一日焦靜貞

王仙柯青城人儀鳳中拔宅上升蜀僧中寤偶于龍公  
相送寤公曰飛升之後胡為來此仙柯曰吾昔得靈

藥令能飛步今全家隱于後山更修道法上賓之命  
吾何望焉

劉道士高宗時人合還丹成而上之咸亨中卒惟有空  
皮背上開拆似蟬蛻

李青北海人開皇四年嘗入雲門山窟仙人授書一軸  
甫半日歸視其城郭人民屋宇皆變無一相識者訪  
其子孫皆云常入南山不知所終時為永徽元年開  
所授書視乃小兒醫方療之立愈齊魯間從學道術  
者甚衆後入泰山莫知所終

苗龍唐初人失其名能画龍人以苗龍呼之後得道仙  
去今處州瑞龍宮東南一峯上平如砥相傳苗龍上  
昇處

匡智長安人貞觀中棄妻子與侄大郎適廬山修道居  
七日有老人曰廬山陰地仙不可得南有名山陽地  
可往居之乃至吉州望見義山其山神化為樵夫引  
入山中曰此處安穩遂立壇修行數年忽有神人降  
知智拜之但見足下雲生上升而去大郎亦為地仙  
張惠明趙郡人結廬中條山遇混元子授高上之道行

續文獻通考  
卷之三百四十二  
之道學超群太宗詔入內殿致醮有感封妙濟大師  
尋至西嶽尸解

瞿夫人豫章人隋末兄為辰州刺史有黃元仙者亦自  
豫章來見瞿君高其行以夫人妻之後薦其才德以  
自代隋末元仙棄官與夫人隱於州西之羅山貧甚  
為人傭織以養其姑如此者十年一日忽謂元仙曰  
昨日閻帝命當與汝別俄頃化為青氣數丈騰空而  
去

羅通微臨晉人少時採薪山中遇閻使君宋謂曰子骨  
竟不曉其義因入秦至驪山下逢一老母弊衣扶杖  
神狀甚異路旁見一火燒樹因自語曰火生于木禍  
發必尅釜驚問曰此陰符經語老母何從言之老母  
曰吾受此符經語已三元六周甲子矣釜拜母且告  
所得媿曰少年顧骨貫于生門命門齊于日角德賢  
而好法神勇而樂智真吾弟子也乃共坐石上說陰  
符之義日已晡曰吾有麥飯相與為食袖中出一瓢  
令釜取水瓢沉乃還已失母所在但留麥飯于石釜  
食之自此絕粒開元中為江陵節度使副御史中丞

為李林甫所排入名山訪道不知所終

徐灣海盜人少有道術能收捕邪精錢塘杜氏于患邪  
灣為作法符召之見白衣人入門灣一叱即成白龜  
後登石崎不返兄弟往尋之見灣在山上不動遂抱  
下惟室殼耳蓋尸解也

羊情不知何所人以明經授括蒼尉隱于括蒼山一日  
與青蓮觀道士飲于阮客洞酒中忽仆地七日乃悟  
云初見一人身之雲英邀入洞中石間有物迸出曰  
此青靈芝也食之得仙情取食之自是惟飲水覺身

輕日行數百里後入委羽山人不之見

章思廉遂昌人居尋光宮為道士誦度人經有悟遂默  
不語或絕粒不食踰四十年預言休咎多驗

范子珉處州道士嗜酒落魄談人意外事多奇中善畫  
牛往訪郡守錢竈曰負公畫四軸故來相償畫成即  
遊將逝殮得片紙于席間書曰庚申日天帝召范子  
珉蓋其亡日也

嚴青會稽人嘗於山中作炭忽神人授書一卷曰汝骨  
可長生并教服石髓法青受之即見左右常有數十

人侍之嘗夜行都巡呵問何人青亦呵問都巡以從  
兵收之青亦以從神錄之青徑去而都巡等人馬不  
能動明日鄉人曰必嚴公也報其家往謝青乃放去  
青後辟穀一年仙去

巢道人上猶人幼遇異人授以辟穀法常經月不食自  
言年九十顏如童子日行三百里盛暑烈日不畏避  
忽一日謂所親曰予明日歸去果端坐而逝里人  
異之以為院後云

王暹鄴陽人得仙術能治病不用符水針藥但以八尺  
布帋覆之病愈若有邪魅即畫地作獄叩石呼之皆  
入其中有一男子負竹篋隨行嘗冒風雨衣皆不濕  
一日兩炬遁入石室中有二人曰卿何為久住俗間  
荅曰當來乃還家自負竹篋去

饒廷直南城人唐時第進士嘗過武昌遊黃鶴樓忽遇  
異人授以秘訣自是不通妻妾翛然端居後為鄧州  
通判卒其柩還鄉甚輕蓋尸解去

應夷節汝南人生不喜茹葷性敏慧長遊天台龍虎山

汝南亦師惟良得工清大法棲真天台道元院日誦

黃庭大洞經為人祈福數致感應忽一日沐浴入靜  
凝神翼日解化是夕清香馥郁猿鳥悲鳴及就窆但  
空棺而已

朱桃權初成都畫師姓許善傳神有人敝衣憔悴求傳  
神許笑之其人以手摩面則童顏笑引其鬚應手而  
黑乃一美丈夫也許驚曰不知神仙臨降道人曰君  
傳吾神置肆中有求售止取十千後有識者曰此神  
仙朱桃權也之老輻湊

緱仙姑長沙人入衡山脩道年八十餘孑然無侶居傍

南岳魏夫人仙壇忽一青鳥飛來自言我南岳夫人  
使也以姑休道清吾命我為侶每有人遊山遊青鳥  
必預言其姓名一夕曰今夕有暴客至姑無怖果有  
群僧持火挺必將害姑姑在床土僧不見而去俱為  
虎所殺姑徙居湖南焉亦隨之後隱九疑莫知所終  
湘中老人不知姓名呂雲卿遇于君山側索酒數行老  
人歌曰湘中老人讀黃老手援紫蘂坐碧艸春至不  
知湖水深日暮忘却巴陵道宋蘇軾謂此詩殆李諱  
仙輩老人真遁世者也今考唐詩此篇乃高駢所作

未詳何據

賣薑翁不詳其姓名在衡州市中賣薑三十餘年顏貌不改嘗遇道人于茶肆謂曰吾有黃白之術求有常德者授之翁未應但就擔頭取薑一塊納口中少頃吐出則成黃金道士相顧驚笑自是皆不復見

張遠霄眉山人一日見老人持竹弓一鐵彈三質錢三百千張無新色老人曰吾彈能辟疫病當寶而用之再見老人遂授以度世法熟視見其目中各有兩瞳子越數十年遠霄往白鶴山垂釣西湖峯上有石像

一老人曰此乃四目老翁君之師也不記竹弓鐵彈時耶張大悟眉山有遠霄宅址李石詩曰野草閒花不計年亭、雙檜欲無天讀書却得騎鯨老賣藥來尋跨鶴仙

晏仙人樵采汀州山間見一道人食桃餘半顛飼之晏受而食忽能前知人禍福鄉人曰曰晏山人

後五代

鄭全福浮梁人梁開平中遊獵深入窮谷有老人道持新遊安靈巖諸洞及出有鹿引上山半坡遂結茅脩

煉後年百餘歲語門人曰必葬我浮梁白水鄉及卒  
弟子昇至夕陽頌上覺棺空發之惟履杖而已一云  
唐文宗時入靈巖洞脩煉後居蓮花洞遊桃花溪有  
老人乘鐵船全福曰願借船還人間老人曰後三年  
復來時年百餘歲語門人葬浮梁葬後惟存杖履時  
有鄭思遠號丹陽真人得真仙源派

任人不知何所人後唐元光中乘鳳號為野人後于王  
子潭躍身騰空冉冉而去

鶴衣道人不知姓名錢氏王吳越時日醉處州龍泉縣

鳳凰山下為里婦所辱嘆衣為鶴乘之而去後人因

建祠即今報恩元孝宮是也

錢朗南昌人讀書西山以五經登科仕唐累官至光祿  
卿文宗朝歸隱廬山得補腦還化之術錢鏐延至於  
杭禮之如師玄孫數人皆以明經為縣宰已皓首矣  
而朗猶如童子一日語家人曰我適為上清所召今  
去矣俄氣絕顏色如生舉棺尸已解去時年一百七  
十餘歲

曾文迪字知人天文識緯黃庭內景之書靡所不究而

地理尤精梁貞明間遊至袁州府萬載縣愛其縣北  
西山之丘謂其徒曰死葬我于此及卒遂葬其地後  
其徒在豫章忽見之駭而歸啟其墳無有也

藍方字養素號長笑先生居南嶽山得道成仙

劉海蟾初名操改名玄英廣陵人弟明經仕燕劉守光  
為相素喜黃老教忽遇正陽子為行清靜無為之宗  
金液還丹之要遂辭燕適秦韜光隱晦嘗遇尚書郎  
李觀語曰奉頌寄語養素先生藍方十月懷胎如何  
得出現至南嶽語方方驚曰吾養聖胎已成念非海

蟾不足以成吾道是年方卒嘗訪陳希夷為方外交  
所至多有迹跡後白氣自項門出化鶴飛升元至元  
六年封明悟弘道真君

楊仙公淄齊間道士莫知其年壽者老自童稚見之或  
就鍊鋪借鐵椎自擊其頂或令人極力擊之無所損  
入山與虎豹為戲以手擊之猛獸偃仆後唐長興中  
入蜀自云居峨嵋山

張薦明燕人少為儒遊學河朔漁獵在老其後雲衣星  
冠奉自然之教晉高祖召問道可以治世乎對曰得

道之極者尸居衽席之間可以治天地矣止于世也  
帝遂延入內殿令講老子道德經馮道等執卷而聽  
帝益加尊重禮之為師嘗問宮中鼓音謂鼓以守一  
和五音人能混成于心則天地俱矣何患世之不淳  
帝由是致心虛靜

譚紫霄泉州人有道術事閩主昶封正一先生閩亡寓  
廬山棲隱洞其徒百餘皆能禁沮鬼魅禳祈災福南  
唐後主召紫霄王建康賜以道號階以紫金皆不受  
武昌軍節度使何徽沫置婢井上中死人無知者敬

沫遘疾召紫霄中夜燃燈披髮靜立見女厲自訴為  
祟之由敬去言然乃書符送之疾即愈有僧于溪  
澗初亭苦大石橫直紫霄以手捻訣以水噴之命植  
其石應手如粉後無疾卒謂之尸解葬之日有祥雲  
白鶴盤繞送之

王帽仙蜀人出入闕闈為人脩敝冠號王帽子暮則卧  
于涪州天慶觀一夕尸解道士葬之月餘自果山貽  
書致謝

韋昉蜀人夜泊涪陵江忽遇龍女遣騎迎入宮後昉登

第十年知簡州龍女復遣書相迎卒勅命昉充北海水仙

譚峭字景升唐國子司業洙之子訓以進士業而峭深好黃老書師嵩山道士十餘年得辟穀養氣之術父寄以衣即與貧寒者後煉丹南嶽成能出入水火亦能隱化入青城山仙峭嘗作化書宋齊丘竊其名行于世

耿先生女冠也不知何所人烏爪玉貌宛然神南唐保大中游金陵元宗召入卧内先是太食國進龍腦汕

二罷元宗秘惜先生曰此非佳者當為陛下致之乃以絹囊懸龍腦于屋梁棟瀝液如注味愈愈所進嘗擷雪為錠成金又取宮人糞中糞壤燒為白銀又以小麦淘洗炒銀釜中勻員皆成美珠未幾有孕將誕曰我子非常產夕當有異倏忽雷電繞室大雨傾注詰旦空腹人莫見其所產元宗殂不復入宮莫知所終

蕭行美沔陽人年九十餘篤行履素樸對騶山遇一老人自稱張先生指草一叢曰移歸栽之可莫鐵成金

戒之曰切不可泄行美受教遂移草歸試之如其言  
久之泄其事一夕大風雨漂失其草再入山訪之不  
復有矣

續文獻通考卷之三百四十二終

